

الأعمال الأدبية

ليئين الرملى



مهرجان القراءة للجميع

2000

عشر
سنوات

مسرحية

أعقل يا دكتور



الهيئة المصرية
العامة للكتاب

إعقل یادکتور

لوحة الغلاف

اسم العمل الفني: الشيخ ابراهيم الكتبي

التقنية: ألوان زيتية على قماش

المقاس: ٥٠×١٠٠ سم

تحية حليم (١٩١٩ -)

مصورة بارعة من الجيل الثالث من الرسامين المصريين، تتلمذت على اليكوجيروم ويوسف طرابلسي وحامد عبدالله. كما انتظمت بالدراسة في أكاديمية جوليان بباريس، وفازت بجائزة جوجنهايم للفنانين المصريين. وقد سافرت إلى النوبة لتسجل معالم المكان، وفي ١٩٦٧ أقامت معرضاً شاملاً لأعمالها وفي نفس العام حصلت على وسام العلوم والفنون من الطبقة الأولى. وأهم ما يميز لوحاتها هو الفن الوفير في الملص اللوني مع اختيار اللون البني المحروق بجميع تفاصيله ودرجاته؛ ويساعده اللون الأخضر. وهي تمتلك خطوط قوية وتكوينات متماسكة، وتقترب رسومها من الأعمال الجدارية.

محمود الهندي

× الجيل الثالث: هو جيل الثورة والتمرد الفني، فالجيل الأول هو جيل الرواد الذين مهدوا الطريق وحرثوا الأرض الفنية للأجيال التالية، أما الجيل الثاني فيضم معظم الفنانين الذين ولدوا مع مطلع القرن العشرين حتى عام ١٩١٦. ويلى ذلك الجيل الثالث وهو الذي كسر القيود وثار على الأشكال الفنية القديمة.

إعقل يادكتور

لينين الرملى



مهرجان القراءة للجميع ٢٠٠٠ مكتبة الأسرة

برعاية السيدة سوزان مبارك

(الأعمال الإبداعية)

الجهات المشاركة:

جمعية الرعاية المتكاملة المركزية

وزارة الثقافة

وزارة الإعلام

وزارة التعميم

وزارة الإدارة المحلية

وزارة الشباب

التنفيذ: هيئة الكتاب

إعقل يا دكتور

مسرحية

لينين الرملى

الغلاف

والإشراف الفنى:

القنان : محمود الهندى

المشرف العام :

د . سمير سرحان

على سبيل التقديم

«كتاب لكل مواطن ومكتبة لكل أسرة، تلك الصيحة التي أطلقتها المواطنة المصرية النبيلة «سوزان مبارك» في مشروعها الرائع «مهرجان القراءة للجميع ومكتبة الأسرة»، والذي فجر ينباع الرغبة الجارفة للثقافة والمعرفة لشعب مصر الذي كانت الثقافة والابداع محور حياته منذ فجر التاريخ.

وفي مناسبة مرور عشر سنوات على انطلاق المشروع الثقافى الكبير وسبع سنوات من بدء مكتبة الأسرة التي أصدرت في سنواتها الست السابقة (١٧٠٠)، عنواناً في حوالى (٣٠) مليون نسخة لاقت نجاحاً واقبالاً جماهيرياً منقطع النظير بمعدلات وصلت إلى (٣٠٠) ألف نسخة من بعض إصداراتها.

وتنطلق مكتبة الأسرة هذا العام إلى آفاق الموسوعات الكبرى فتبدأ بإصدار موسوعة «مصر القديمة» للعلامة الاثرى الكبير «سليم حسن» فى (١٦) جزءاً إلى جانب السلاسل الراسخة «الابداعية والفكرية والعلمية والروائع وامهات الكتب والدينية والشباب» لتحاول أن تحقق ذلك الحلم النبيل الذى تقوده السيدة: سوزان مبارك نحو مصر الأعظم والأجمل.

د. هدير صرحان

الشخصيات

- | | |
|------------------------|------------------------|
| ٢ - الفتاه (احلام) | ١ - الدكتور سعيد فرحان |
| مريضه بحالة هوس دورى | طبيب نفسى وصاحب |
| ٤ - عم صابر | المصحه |
| ممرض بالمصحه تجاوز | ٣ - الدكتور وفيق شرابى |
| الستين | مساعد للدكتور سعيد |
| ٦ - راجيه راجى | ٥ - عصمت |
| مقدمة برامج بالتلفزيون | زوجه الدكتور سعيد |
| ٨ - مظلوم | ٧ - مروزق |
| مريض بعمى هيستيرى | متخلف حوالى ١٦ سنه |
| ١٠ - طناش | ٩ - شحات |
| مريض متبلد لا مبالى | مريض بعقدة الاضطهاد |
| ١٢ - مبسوط | ١١ - الزعيم |
| مريض بالأوهام | مريض بالعظمه |
| ١٤ - سمرانه | ١٣ - طاهره |
| مريضه ساديه عدوانيه | مريضه بعقدة الذنب |
| ١٦ - المخرج | ١٥ - مضروبه |
| مخرج برامج بالتلفزيون | مريضه مازوخيه |
| ١٨ - متولى | ١٧ - عتريس |
| ممرض بالمصحه | ممرض بالمصحه |

المشهد الأول

المنظر : داخل مصحة نفسه

المنظر يجمع بين مكتب الدكتور سعيد وقاعة اجتماع للمرضى .
بالمكتب باب يؤدي إلى ردهه واخر يؤدي الى استراحة لها زجاج
نصف شفاف .

الاثاث : مكتب ومقعد وشيزلونج وبارفان، اباجوره، ستائر، لوحه
سيراليه ولوحه اخرى كتب عليها (ايها الانسان اعرف نفسك) (القاعة
عبارة عن نصف دائره وفي الخلفيه سلم عال مسند للحائط .
سورمن القضبان الحديدية يواجه المتفرجين مباشرة .

في بقعة اضاءه نرى

المرضى بملابس موحده يمسون بالسور كالمسجونين ، وفي مقدمتهم
مظلوم يبدو وكأنه كفيف . الجميع يصدرون الالهات والنفحات
باقواهم .

مجموعة : احنا المرضى النفسيين .

اهالينا جايونا ونسيونا ..

ايام وسنين .

اعصابنا تلفانه ..

وعقولنا حيرانه ..

وقلوبنا مليانه ..

وكلامنا آنين .

خايقين ومتدارين .

واملنا كبير .. فى طبيبنا القدير ..

الدكتور سعيد .

يشفينا ويرجعنا لنفسينا .. عاقلين ومستورين .

مظلوم : ادعوا له ادعوا له .

مجموعة : يعمر بيت ابوه .

مظلوم : رقولوا له الحقيقه .

مبسوط : (يغنى) قولوا له .. قولوا له .. قولوا له الحقيقه

(يدخل الممرض عتريس)

عتريس : فيه جماعه م التليفزيون جايين بصوركوا .

مظلوم : م التليفزيون؟ طب اهربوا قوام لحسن يأذونا .

(المرضى يصرخون بهلع وكل منهم يحمل جزءا من

السور ويصطدمون ببعضهم ثم يجرون بسرعه ويتسلقون

السلم ويتعلقون به)

(فى المكتب سماعه معلقه فى الحائط يصدر عنها نداء
يسبقه رنه موسيقيه)

النداء: دكتور وفيق شرابى .. الرجا الاتصال بمكتب الاستقبال .

(يدخل وفيق الى المكتب وخلفه ممرض)

وفيق: التعليمات تنتفذ بالحرف يامتولى . مافيش اى تساهل مع
المرضى . مفهوم ؟؟

متولى: مفهوم يادكتور وفيق (يأخذ منه الباطو ويخرج)

النداء: دكتور وفيق شرابى .. الرجا الاتصال بمكتب الاستقبال .

وفيق: (يرد فى التليفون) انا الدكتور وفيق . لاء . معرفش
الدكتور سعيد هيجى امتى .

مش معنى انى اللاتب بتاعه انى القابل حد بداله , خير
فيه ايه ؟ التليفزيون عايز يسجل معاه ؟ طب اوعوا تخلوهم
يمشوا , يصورنى انا . انا اللاتب بتاعه . خليههم

يفضلوا حالا (يضع سماعة التليفون ويصف شعره)

(تدخل بعثة التليفزيون من صالة المسرح)

(يدخل مصوريكاميرا محموله وعاملان بكشافات اضاءه
ثم المخرج)

المخرج: نور، استاند باى ثرى تون،

وفيق: اهلا وسهلا ..

المخرج: (مقاطعا) سكوت .. امنع الصوت . جاهزين , اتفضللى

يامدام راجيه . بنصور .

(تظهر المذبة)

المذبة: سيداتي انساتى سادتى مساء الخير، الليله تذهب بكم
عدسات البرنامج إلى مصحة الدكتور سعيد فرحان حيث
يعيش بعض المرضى النفساويين، بعد الشر علينا يارب
وان شالله اللى يكرهونا .

(جمله موسيقيه كأنها مقدمة البرنامج)

وفيق: (منبها) مين . راجيه راجى المذبة المشهوره ؟

المخرج: الحق صورهم بسرعه يا مصطفى .. اى حدمش طبيعى
صوره على طول .

(المصور يطارد المرضى بالكاميرا فيعطونه ظهورهم
ويخفون وجوههم)

وفيق: وانا مش هتصورونى ؟

المذبة: فى اول دخولنا التقينا بأحد المرضى المعقدين . تقدم لنا
نفسك .

وفيق: انا الدكتور وفيق شرابى .

المذبة: والمرض اللى عندك نيه ؟

المخرج: الحقيقه انا عندى حاله غزيبه ، ساعه تروح وساعه تيجى .
لأن وانا صغير..

(ثم مستدركا) انا مش مريض يا مدام ، انا دكتور .

المذبة: ياه ..دكتور مره واحده ؟ براقر " . سفقواله .

مجموعة: (تصفق) هيه هيه .

وفيق : حضرتك بتأخدينى على قد عقلى ؟ بقولك انا دكتور
وطبيعى جدا , ولازم تصدقونى . انتوا فاهمين ؟

المذيعه : (للمخرج) الحقنى ياسيد .. دا باينه خطر .

المخرج : لوسمحت عشان نتكلم مع بقية زمايك .

وفيق : زميلى دا ايه ؟ انا مش مجنون . بقولك انا دكتور وطبيعى
جنا .

المخرج : مدام طبيعى يبقى مش هنصورك (للمصور) ربح النور
يامصطفى .

وفيق : انا اللى امنعكم تصوروا من غيراذنى . ولع النور
يامصطفى .

المخرج : انت هتسوق عليا الجنان ؟

المذيعه : بشويش ياسيد احسن يعضك . انده له التمرجى احسن .

وفيق : انا اللى هنده لكم التمرجى (فى الديكتافون) التمرجى
صابر.. انت يازفت سامعنى ؟

(صابر يدخل من خلفه)

صاير : سامعك . بتزعق ليه ؟ هدى اعصابك . مش كده عيب .

وفيق : أعمل ايه اذا كان البهوات مش فاهمين حاجه .

صاير : أنا افهمهم (للمذيعه) اى خدمه .

المذيعه : عايزينك تشرح للساده المشاهدين نظام العلاج بالمصحه .

صاير : الدكتور سعيد بيفضل طريقة المشاركه الوجدانيه مع

المرضى . يعنى ناخذهم على قد عقلهم ونسايرهم .

مانقا ورحموش ابدأ .

وفيق: انت ماتتكلمش خالص , انا اللي اتكلم .

صابر: بس كده ؟ حاضر , انا سكت خالص .

وفيق: اتكلم , قولهم انا شخصيتي ايه ..

صابر: بعدين تزعل مني .

المذيعة: (للمخرج) طلع مجنون فعلا .

وفيق: انت بتهزر معايا ؟ قول اني دكتور .

صابر: حاضر . انت دكتور . خلاص ارتحت ؟

وفيق: انت بتقولى انا ؟ قولهم هما .

صابر: حاضر (لهم) هو دكتور (ثم له) خلاص ارتحت ؟

المذيعة: فعلا دي احسن طريقه عشان نخلص منه .

وفيق: طب اسألوا دول (مشيرا للمرضى) انا دكتور ولا لاءه ؟

مجموعة: لاءه .

وفيق: دول مجانين او عا تصدقوهم .

المذيعة: لو انت دكتور فين بالطور والشنطه والسماعه ؟

وفيق: بس كده ؟ لحظه واحده .

(يخرج مسرعا)

المذيعة: يا مرضى .. يا مرضى (لصابر) بس انا شايفه المرضى

منطويين على روحهم .

صابر: دول العيانيين الفقرا . الدكتور سعيد مقدهم هنا مجاناً

ويعمل عليهم ابحاث .

تعالوا يا اولاد قريوا ماتخافوش . ياللا اعملوا جلسه عشان
توروا الهانم .

(المجموعه تترك السلم وتقترب ببطء وحذر ويجلسون على
مقاعدهم)

صاير: دى بتسميها جلسة السيكدراما يعنى العيانيين يتكلموا
ويمثلوا ويخرجوا كل اللي جواهم ويكده نتعرف على
مشاكلهم ويشعروا براحه نفسه .

مظلوم: (بيكى بشده)

المدية: الله المريض ده بيعيط ليه ؟

مظلوم: انا مش مريض ..انا مظلوم .

المدية: يا حرام ومين اللي ظلمك ؟

صاير: ماتصدقيهوش . هو عنده شعور بالاضطهاد , حاس ان
الدنيا كلها ضده .

مظلوم: لاء انا مظلوم حزين ..وعندى عمى حيسى بعيد عندك .

صاير: ابدا . عينيه سته على سته بس حصلت له صدمه نفسه

خلته يتهيأله انه اعمى عشان مايشوفش البلاوى اللي

حواليه . الحاله دى ببسوها عمى هيستيرى .

المدية: غريبه .

صاير: ولاغريبه ولا حاجه . بدمتك انتى الدنيا دى تنتظر؟ ودا

اسمه شحات .

شحات: اناماليش دعوه بحد , انافى حالى وماشى جذب الحيط ,

اعلموا معروف، ابوس ايديكم انا عندى عيال .

المذبة: ودا ايه كمان ؟

صابر: مثقف مش باين عليه ؟، مسكين متهيال انه فيه ناس
بتراقبه ويتصادر له كتبه .

المذبة: معقوله ؟ لازم تخليه يتكلم بحريه من غير خوف .

صابر: اتكلم بصراحه ماتخافش ، على ضمانتى انا .

شحات : (يفتح فمه ويتحدث دون صوت)

مجموعة : (تستنكر كأنه قال كلمات قاسيه)

صابر: لاء، احنا نديك شوية حريه تقوم تشطح ؟

المذبة: (بدهشه) هو قال حاجه ؟

صابر: قال بلاوى .. بس ال ايه رقابة التليفزيون بتمسح نص
كلامه .

المذبة: (للمخرج بعصبيه) ماتسجلوش الكلام ده . دامجنون

خالص .

مبسوط : (يضحك بشده)

المذبة: الله ودا بيضحك على ايه ؟

صابر: على خيبتته . دابقى بالعكس بيشوف اللي محدش شايفه .

المذبة: مش فاهمه ؟

صابر: الواقع مهيب ، هو بيشوف واقع تانى على كيفه . عشان

كده بيضحك بدل مايعيط زينا

المذبة: ومتهيال ايه دلوقتى ؟

مبسوط: (يفتى) صناعه كبرى , ملاعب خضرا , ..

تماثيل رخام ع الترعه واوبرا , فى كل قريه عرييه .

مظلوم: (بيكى بحرقه)

المذيعه: (لمريضه) مساء الخير .

طاهره: لاء , انا ماتكلمش مع ستات , رجاله معلىش ,

هىءهىءهىء

صاير: دى طاهره .

المذيعه: اه ماهو باين .

صاير: وحضرته بيقى طناش .

المذيعه: وانت مش عايز تتكلم ؟

طناش: اه , لاء , طظ . ماتفرقش , اللى تشوفيه . طظ .

المذيعه: (للسعرانه) وحضرتك ؟

صاير: (بسرعه) خلى بالك دى السعرانه .

سعرانه: (تنبج مثل كلب) هو هو هو .

المذيعه: بتعض ؟

سعرانه: (تهجم عليها وتعضها فى الحال)

المذيعه: يامامى يامامى .

الزعيم: حضرات القضاء حضرات المستشارين

المذيعه: انا اقول دا محامى . صح ؟

صاير: لاء هو متقمص . يعنى متهياله انه محامى بيدافع عن

البشريه , اسمه الزعيم .

الزعيم : انا الاوحد , انا الاعظم , انا مافيش حد زيى فى الدنيا , الا واحد بس، اللي هو انا طبعا .

المذبة : زى المجنون اللي قابلناه فى الاول وفاكر نفسه دكتور .

(يدخل وفيق مرتديا البالطو)

وفيق : ادينى لبست البالطو والسماعه كمان .

المذبة : دا طلع دكتور فعلا . متأسفين خالص يادكتور .

وفيق : حصل خير اتفضلوا هنا فى المكتب . (لصابروالمرضى)
وانتوا اطلعوا بره .

(يخرج صابرمع المجموعه)

وفيق : (للمذبة) انا جاهز للتصوير . اسألينى .. انا معجب .

معجب بكل برامجك واحب انتهز الفرصه دى عشان اوجه
الشكر لكل العاملين بالتليفزيون . كما اوجه الشكر للساده
المسئولين عن الطب النفسى والطب البدنى والطب
الرياضى ورجال الامن ورجال الاتحاد وكافة المسئولين
العرب والمقاولين العرب واى عرب والله اكبر والعزه للعرب
واننا اليوم فى هذه المرحله التاريخيه ...

(نسمع من الخارج صوت سعيد وهو يزعم بالعربى
والانجليزى)

سعيد : النظام، قلت ميت مره النظام . مش هسمح بأى فرضى
او خروج عن النظام .

المذبة : «ستوب» . يظهر فيه مريض بره حالته خطيره .

وفيق: لا من فضلك، انا ماسمحلکیش دا استاذی واستاذ الكل . دا
الدكتور سعيد فرحان .

(يدخل سعيد تبدر عليه المهابه)

سعيد: ماشاءالله .. مين اللى سمح لدول يخشوا مکتبى ؟

وفيق: (وهو يحمل حقيته) دول اصلهم لسه جايبين عشان ...

سعيد: (مقاطعا) انا قلت المرضي المستجدين يتفرزوا قبل
مايتعرضوا عليا . كل واحد حسب عقده . المهاريس ييجوا
على الناحيه دى . السيكوباتيك ييجوا الناحيه دى .

المعقدين مش عايزاشوفهم (ينظر للجماهير) ودول ..
مين دول ؟

وفيق: يادكتور اسمحللى اعرفك بيهم الاول ، حضرتها تبقى ...

المذيعه: (مقاطعه) لا سييه، اما اشوف هيعرفنى لوحدده ولا لا .

سعيد: ايوه ماتقولش انت . انا هشخص حالتها لوحدى .

(يتأملها) عندها ميول استعراضيه وهوس جنسى حاد !

المذيعه: (مستنكره) ياي .. ايه ده ؟ (ثم بدهشه) ايش عرفه ؟

المخرج: سيبنى افهمه (لسعيد) يادكتور انا المخرج والمجموعه
دى كلها تبعى انا .

سعيد: حالة بارانويا ، جنون عظمه . ادوله حقه شرحيه .

(الممرضان يمسان بالمخرج)

وفيق: يادكتور ، دول بتوع التليفزيون .

سعيد: ايه ؟ (لوفيق) مش كنت تفهمنى بدل ماتسيبنى

اشخص غلط ؟

كلكم بتوع تليفزيون ؟

الجميع : ايوه .

سعيد : حولهم على قسم المتخلفين عقليا !

وفيق : يادكتور دول مش متفرجين , دول اللي بيعملوا البرامج
نفسها .

سعيد : 'بيس اى سى' بيقى ودوهم قسم الحالات الخطره !

المذبة : يادكتور انا راجيه راجى وجايه اسجل معاك 'انترفيو'
نص ساعه بس .

سعيد : متأسف انامش بتاع بروباچندا ودعايه فارغه . اتفضلوا
بره .

المذبة : دى الناس هيتجننوا يشوفوك ع الشاشة (بدلح) يرضيك
يتجننوا ؟

سعيد : مصلحه عشان ييجوا يتعالجوا عندى . بره .

وفيق : انا مستعد اتكلم معاكى للصبح ومش مهم فى التليفزيون
ممكن فى التليفون .

المخرج : مافيش فايده . شيلوا الكاميرا وبالابينا .

المذبة : (بيأس) طب ممكن اعرف بس حضرتك رافض تتكلم
ليه ؟

سعيد : لأنى اكره الشهره واحترقها , مش انا يامدام اللي اتكلم عن
نفسى ..

انا اعمل فى صمت وتواضع العلماء لانى بطبعى عف
وزاهد وكتوم ..

(يمك الميكرفون لاشعوريا) انا لا اتحدث عن نفسى ابداء،
لان اعمالى هى التى تتحدث عنى وعن عبقرىتى، فأذا
تحدثنا عن نشأتى وطفولتى الفذه فلن تكفىنى عشر ساعات
وانتى جايه تقولى نص ساعه ؟ ولهذا فأنتى ..

المذبة: لوسمحت تبص التاحيه دى لكاميرا ..

سعيد: (ينفذ بلا انتباه) ولهد فأنتى ارفض الكلام بتاتا وارفض
اى دعايه لنفسى او لهذه المصحه التى تعتبر افضل مصحه
نفسيه فى الشرق الاوسط . وعنوانها ١٣ شارع ابن مخلول .
تليفون

وفيق: يادكتور . دول جرجروك فى الكلام .

سعيد: وانت مالك . اتفضل شوف شفك . بره .

وفيق: (غاضبا) كل مره هو اللى يطلع فى التليفزيون لوحده ؟
انا اتعقدت .

(يخرج وفيق)

المذبة: دكتور سعيد .. ياترى كام عدد المصابين بأمراض نفسيه
وعقلية ؟

سعيد: ثبت بالاحصائيات العلميه ان نص الناس النهارده مجانين
والنص الثانى بيشاور عقله

المذبة: وازاى الواحد يعرف اذا كان مجنون ولا لاء ؟

سعيد: الفيلسوف العظيم سقراط قال ايها الانسان اعرف نفسك
لكن طبعا المجنون مستحيل يعرف نفسه لانه مجنون .
بأختصاراللى يقولك انا مش مجنون تعرفى على طول انه
مجنون .

المذبة: احنا عرفنا انك بتسايرالمرضى فى جنونهم . مابتخافش دا
يخليك تتعدى منهم ؟

سعيد: لا انا اجنن بلد بحالها . بس انا مش مجنون .

المذبة: هل صحيح الاحلام بتدل ع المستقبل ؟

سعيد: لا دى بتكشف لنا المخاوف والرغبات اللى الواحد بيتكسف
يصرح بيها ..

قرليلى بتحلمى بأيه , اقولك نفسيتك ايه ؟

المذبة: (هامسه) بعدين, مش قدام الناس (وبصوت عال) وايه
اكثر عقده بتثير اهتمامك ؟

سعيد: عقدة الشعور بالذنب , الانسان لما بيظلم اخوه الانسان ,
ضميره مابيرحموش , وساعات يخليه يضرب نفسه
بالجزمه .

المذبة: دكتور سعيد . هل انت سعيد فى حياتك ؟

سعيد: طبعا ..جدا ..خالص .

المذبة: الا تشعر بالندم او بالذنب احيانا ؟

سعيد: ابدأ ..اطلاقا...خالص .

المذبة: وهل تقول الصدق دائما ؟

سعيد: ابدأ.. اطلاقا.. خالص (مستدركا) قصدى لأ طبعاً. لان
ما فيش حاجة اخاف منها.

المذبة: احنا لاحظنا ان كل المرضين هنا رجاله , وما فيش
ولا مرضه ست . ياترى اى السبب ؟

سعيد: (يضحك بافتعال) انتوا خدتوا بالكم ؟ ابدأ اصل مراتى
بتغير عليا شويه . (ثم يشك مفاجيء) انما ايه لزمة السؤال
ده ؟ قصدك بيه ايه بالضبط ؟

المذبة: لا ، ابدأ ولا حاجة .

سعيد: ما فيش حاجة اسمها ولا حاجة (بغضب) مين اللى
حرصك تسألينى السؤال الوقح ده ؟ اتكلمى . اتكلمى احسن
لك (للمخرج) ماتسجلوش الكلام ده .

بتبصولى ايه , انا فرجه ؟ بطلوا تصوير لحسن اكسر لكم
الكاميرا دى .

(يهجم عليهم فيترجعون بخوف ويصرخون)

(يدخل وفيق وصابر والمرضان بسرعه)

وفيق: كفايه كده .. الدكتور لازم يرتاح .

سعيد: سيبنى عليهم يا وفيق .

وفيق: تمرجى صابر .. كفته .

صابر: (يقيد حركته) اعقل بادكتور .

المذبة: ياختى .. دا باينه معقد .

سعيد: انتوا اللى معقدين .. يمجانين .. يامم .. ياكومبلكس

يارلاد الـ..

صاير: لاء بلاش اباحه (ويسد فم سعيد بيده)
وفيق: (لهم) ارجوكم امسحوها فيا وانا مستعد اديكم ميت
حديث.

(تخرج بعثة التليفزيون ووفيق خلفهم)

صاير: اهدا بالله يادكتور (يضع يده على رأسه وينمت)

مظلوم: ايه اللي حصل للدكتور سعيد ؟

مجموعة: ايه اللي حصل ؟ ايه اللي حصل ؟

مضروبه: عمرنا ماشفناه هايج بالشكل ده .

مجموعة: عمرنا .. عمرنا .. عمرنا .

الزعيم: لازم فيه سر خطير .. وضرورى نعرفه .

مجموعة: ضرورى نعرفه .. ضرورى نعرفه .

سعرانه عرفته .. دى عين وصابتك .

مجموعة: عين وصابتك .. عين وصابتك

صاير: عين ايه , بطلوا جهل , دا راكبه عفريت .

مجموعة: راكبه عفريت .. يامه عفريت .. عفريت .

مضروبه: شيخ محضر ياشيخ محضر والله عليه عفريت يحضر .

مجموعة: (تدرر حول سعيد) شيخ محضر ياشيخ محضر واللى

عليه عفريت يحضر ...

صاير: (يتشنج) توب علينا جميعا يارب .

(يدخل وفيق)

وفيق : ايه اللي بتعملوه ده ؟ وانت بتفقر معاهم ياسى صابر؟
صابر : مش بسايرهم يادكتور.

الزعيم : ياللا من وشه .. دامانخوليا.

مجموعة : مانخوليا مانخوليا مانخوليا.

(يخرجون ومعهم صابر)

وفيق : دكتور سعيد .. فوق يادكتور.

سعيد : (يرفع رأسه كمن يفيق من حلم) فيه ايه , ايه اللي حصل ؟ انا الظاهر لبخت.

صارحلى ياوفيق منظرى كان وحش قوى ؟

وفيق : ابدأ بس هجت مره واحده معرفش ليه ؟

سعيد : (موشكا على البكاء) اصل بعدما قلت لهم ان مراتى بتغير عليا، زعلت من نفسى ، انت ماتعرفش انا بحب عصمت قد ايه .

وفيق : لاء عارف .

سعيد : وعارف انها معقده ؟

وفيق : لاء ؟ هى رخره ؟

سعيد : ايوه ، بتغيرعليا بشكل جنونى وبالذات من الممرضات . بس كله من تحت راسك

وفيق : وانا دخلى ايه ؟

سعيد : ماهى فاكروه الرجاله كلهم صنف واطى زيك .

وفيق : يعنى عايز تفهمنى ان حضرتك عمرك ماتعبت بدياك ؟

سعيد: انا ماكرهش فى الدنيا قد الخيانة . ولو انى امبارح عملت عمله فظيحه .

وفيق: ايوه كده اعترف .. عملت ايه ؟

سعيد: (بمعناه) تصور .. تصور انى حلمت بواحد .

وفيق: ياسلام ودى فيها ايه .. دا حلم ؟

سعيد: اصله مش حلم عادى .. دا حلم ابيح خالص .

وفيق: بيقى لازم تحكيهولى .

سعيد: آل ايه انا هنا فى المكتب والاقى جايه لى بنت لابسه ابيض ف ابيض وتهرس ياوفيق .

وفيق: يابختك .

سعيد: مانت كنت موجود معايا فى الحلم .

وفيق: بالذمه ؟ طب وانا عملت ايه ؟

سعيد: كنت هتموت م الغيره . اصل البنت قربت منى و ..

وفيق: (بأستمتاع) وايه ؟

سعيد: (يتلفت حوله) بس الكلام دا مايوصلش لمراتى ..

وفيق: عيب يادكتور (هامسا) افهم من كده انه ... حصل ؟

سعيد: حصل بس ؟ دا حصل وحصل وحصل .

وفيق: (بغیظ) كل دا وانا واقف ؟ حصل ايه بالظبط ؟

سعيد: بعد ماقربت منى الرقابہ حذفت الباقى .

وفيق: ياخساره (مستدركا) رقابة ايه ؟

سعيد: رقابة العقل الواعى . اصلى صحيت ناسى بقية الحلم . لكن

لَقِيْتُ صَدْرِي مَقْبُوضَ زِي مَايَكُونُ الْحَلْمَ قَلْبَ بَكَابُوسٍ .

وفيق: تعال نحال الحلم، حضرتك بتقول حملت انك واقف هنا

سعيد: مطرح مالحننا واقفين دلوقتي.

(موسيقى ناعمه تبدأ فى الخفيه)

وفيق: كويس حاول تفكرالى حصل بعد كده بالظبط.

سعيد: الباب خبط (نسمع طرقا على الباب) قلت ادخل ..انفتح

الباب ودخل صابر.

(ينفتح الباب ويظهر صابر)

سعيد: قلت له عايز حاجه يا صابر .. قالى ..

صابر: فيه واحده عايزه حضرتك تكشف عليها.

سعيد: قلت له طيب هاتها ... قالى ...

صابر: ريدايخليك للغلابه والمجانين يادكتور.

(يخرج صابر)

سعيد: يلتفت لصابر) تمام كده بالحرف الواحد (مستدركا) ايه

ده؟ خدت بالك ياوفيق؟ الحلم بيتحقق اهو.

وفيق: ازاي؟

سعيد: صابر دخل دلوقتي وكرر نفس الكلام.

وفيق: ماتاخدش ف بالك يادكتور . كمل لى الحلم.

سعيد: بس ياسيدى .خرج صابر ويدوب اتكلمت معاك كلمتين

الا وابص الاقى واحده داخله من الباب و .. (ثم يسكت

ويلتفت للباب بتوقع)

وفيق : وايه ؟

سعيد : زى ماقلت لك دخلت بنت لابسه ابيض ف ابيض وسايبه شعرها وعلى دراعها بوكيه ورد وتغنى بصوت ملايكي و (الباب يفتح بقره وتدخل فتاه بأندفاع ترتدى ثوب ابيض فضفاض، شعرها منسدل على كتفها ، ممسكه بباقة ورد نظراتها ذاهله تتحرك وهى تدندن بلحن بصوت خفيض)
سعيد : (بذعر) هى ياوفيق . هى بتاعة الحلم .

وفيق : ماتخافش يادكتور.. دى البنت المهروسه اللى جت لنا امبارح .

سعيد : انا ماشوفتهاش . دى تبع مين ؟

صابر : جت لوحدها وكان معاها ورقه فيها عنوان المصحح .

وفيق : (بتأنيب) واناقلت لك مشيها. الدكتور مش فاضى للاشكال دى .

صابر : حاضر، ياللا يابنتى لك رب اسمه انكريم (يسحبها)

سعيد : (فجأه) لاء، خليها ياصابر .

سعيد : ربنا يخليك للغلابه والمجانين يادكتور .

صابر : (بقلق) انت هتعمل ايه يادكتور ؟

سعيد : مالكش دعوه (للفتاه) تعالى ياشاطره .. ماتخافيش .

الفتاة : (تنهد تنهيدة طويله ثم تتأوه)

وفيق : يادكتور دى خطر ..

سعيد : وبعدين ياوفيق .. تسمح تسيبنى معاها لوحدى ؟

سعيد: خلاص .. انت حر (يهم بالخروج)

الفتاة: (تندفع نحو سعيد صارخه)

سعيد: (مرتبكا) انت هتمشى وتسبني لوحدى يا رفيق؟

الفتاة: (وهي تلف في المكان) سراب .. سراب يا دنيا العذاب .. الله

جاب .. الله خد .. الله عليه العوض .. وعلى الدنيا

السلام ..

سعيد: ليه ؟ الدنيا عملت لك ايه ؟

الفتاة: دنيا غريبه .. لاهى عدوه ولاهى حبيبه .. كأنها لاتعرفنا

ولاداريه بينا .. والمصيبه انها لابترحم .. ولا بتخلي رحمة

ربنا تلطف بينا .

سعيد: (متظاهرا بالحزن) يا عينى علينا .

الفتاة: دنيا فاجره وعامله عاشقه ومخلصه لينا .. دنيا مريضه

وميلوس من شفاها . محدش يعاشرها الا ويلقط المرض ..

دنيا عاقر لاتعرف حمل ولا حبل .. وان ولدت ماتجيش

الابشر ..

و فيق: خد عندك من ده كثير.

سعيد: بس جلونها شاعرى (الفتاه) طب مش تقولينا انتى

مين؟

الفتاة: (تغنى بخلاعه) انا زى مانا وانت بتتغير.

سعيد: نجاريها يا رفيق .. جاريها .. (ويغنى معها وكذلك وفيق)

الفتاة: (فجأ بجديه) مش عارفى يا دكتور المجانين ؟ انا اللى

جوه الفستان يادكتور، ولا عايزنى اطلعك براه ؟ حاضر ..

سعيد: (ممسكا يدها) لا والنبي ما انتى طالعه.

الفتاة: ليه .. انت مش نفسك تعرف الحقيقه العاريه ؟

سعيد: لاء، خلاص عرفتھا .

الفتاة: يبقى فاضل تعرف انت مين .

سعيد: انا الدكتور سعيد فرحان .

الفتاة: ماتصدقش انت غلطان (تزغده) اعرف نفسك يادكتور

(ثم لوفيق) وانت ايه ؟

وفيق: انا الدكتور وفيق شرابى .

الفتاة: طظ ا انت ليه ؟ انت ازاي ؟ انتوا ايه ؟ .. رايعين

ولاجايين .. صاحيين ولانايمين .. طالعين ولاناقلين ؟

موجودين فى الدنيا ليه ؟ (ومهلله كجمهور مباريات

الكره) قاعدين ليه ؟ ماتقومواتروحوا .. (ويحزن) اتفرجوا

ياناس وخذوا العبر، الحشرات لبست بدل وادى بهرات اخر

زمن.

وفيق: كويس كده .. ادينا اتهزأنا .

سعيد: حد شافنا واحنا بنتهزأ ؟

وفيق: لاء .

سعيد: يبقى مش مهم .

وفيق: يادكتور دى حاله مستعصيه .

سعيد: انا ما فيش حاله تستعصى عليا . (للفتاه كأنه ينومها

مفناطيسيا) قريى ياشاطره . بصى فى عليا .. بصى اكثر
اقعدى هنا ..

الفتاة (تطيعه وتجلس على الشيزلونج)

سعيد: ارخى جسمك كله ..ايوه , هقولك شوية كلمات وعائزك
تردى بسرعه وتقولى اول كلمه تخطر على بالك . اتفقنا ؟
نبتدى .. كتاب .

الفتاة: طظ فش .

سعيد: ايد .

الفتاة: ماتسقفش .

سعيد: فلوس .

الفتاة: مع التيبوس .

سعيد: حقيقة .

الفتاة: كابوس .

سعيد: شمعه .

الفتاة: ضلام .

سعيد: الحلم .

الفتاة: كلام .

سعيد: الخير .

الفتاة: اوهام .

سعيد: الكذب .

الفتاة: حلال .

- سعيد: الحق.
- الفتاة: ضلال.
- سعيد: الحب.
- الفتاة: عذاب.
- سعيد: اصحاب.
- الفتاة: كلاب.
- سعيد: حرب.
- الفتاة: خراب.
- سعيد: امل.
- الفتاة: سراب.
- سعيد: الدنيا.
- الفتاة: هباب.
- سعيد: الموت.
- الفتاة: امان.
- سعيد: انسان.
- الفتاة: حيوان.
- سعيد: عقل.
- الفتاة: بدنجان.
- سعيد: دكتور.
- الفتاة: جبان.
- سعيد: راجل.

الفتاة: مافيش (بهيستريا) مافيش .. مافيش .. مافيش .. (فجأه تنهض زاقصه تغنى) الطشت قالى .. الطشت قالى .. يا وحشه ياللى قومى استحمى ..

سعيد: (معاتباً و فيق) انت بتضحك يا شرابى؟ دى بترقص وهى مدبوحة من الالم .

وفيق: يادكتور احنا مانعرفش اصلها ودى مسئوليه علينا, مش يمكن هريانه ولا عامله جريمه ؟

سعيد: فعلا فيه جريمه . بس هى الضحيه . البننت دى اتعرضت لظلم بشع .. اكيد عريسها اتخلى عنها ليلة فرحها .

وفيق: (بدهشه) ايه دا يادكتور , حضرتك جبت الكلام دا منين ؟
سعيد: (مذهولاً من نفسه) معرفش .

الفتاة: ملعونه الخيانه .. ملعونه الافراح الكدابيه .. ملعونه الرجاله , لما تبتقى جبانه .

سعيد: جالك كلامى؟ البننت دى عندها اكتاب وممكن تنتحر فى اى لحظه ولازم ننقذها .

وفيق: ياسلام ؟

الفتاة: الوداع يادنيا العذاب (تخرج من ملابسها مسدس وتصويه لرأسها)

سعيد: جالك كلامى ؟ الحق .. حوشها يار فيق .

وفيق: استنى .. طب قولنا طلباتك ايه ؟

الفتاة: اروح لحبيبي .

سعيد: (مقتريا منها) بس كده ؟ قوليلي هو مين وانا اوصلك
لحد عنده .

الفتاة: (بهيام) عزارئيل .

سعيد: (مبتعدا) انا معرفش .

وفيق: ولا انا .

الفتاة: بسيطه .. اعرفكم عليه (وتصوب المسدس نحوهما)

الاثنان: (بخوف) لاء متشكرين .

الفتاة: (لهما معا) دا حيوصلك احلى مكان، فوق عند رينا .. مش

عايز تخش الجله ؟

سعيد: (لوفيق وهو يختبئ خلفه) كلم يا وفيق .

وفيق: دى بتكلم حضرتك انت .

الفتاة: فهمت، مدام خايف تبقى عملت عمله . اعترف .. قتلت

كام واحد النهارده ؟

سعيد: افنكر يا وفيق اعلم معروف .

وفيق: والله العظيم ما عملت حاجه .. افنكر سيادتك .

سعيد: ولا انا، ومستعد احلف انى عمرى ما اذيت حد .

الفتاة: مرؤه .. ولا قلة حيله ؟ (فجأه تتشمم بتقزز) آف ..

ريحتك وحشه يا بييه .

سعيد: المره دى اكيد انت يا وفيق .

وفيق: والله العظيم مستحمى وحاطط برفان كمان .

الفتاة: ريحتك وحشه . ضميرك عفن يا بييه . اغسل من جوه

ولامافيش حاجة جوه ؟ ضميرك بعته ولا أجرته ولا سلفته ؟
 يوه يكونش ضاع منك ؟ أقولك .. بلغ فى القسم . لولك
 ظابط معرفه , يطلع لك بدل فاقد وانت واقف . لولك حد
 ابن حرام يزورك عشر ضمائر .. ضمير تقابل بيه الناس
 وضمير تقابل بيه صحابك , وضمير تتصور بيه فى
 التليفزيون وضمير صغتن تعلقه زينه فى عربيتك وتكتب
 عليه ماشاء الله .

سعيد : الله فكره مش بطاله يا وفيق .

الفتاة : باقين ع الدنيا ليه ؟ دا اهنون من اننا نعيشها ونتحمل
 بلاويها نتخلص من شرورها ومآسيها , ومطرح مالحننا
 واقفين ندفن نفسينا (صارخه) ادفن نفسك يا دكتور ..
 ادفن نفسك .

الاثنان : (يركعان امامها تحت التهديد) حاضر .. حاضر .

الفتاة : اردم .. كله يردم نفسه .

الاثنان : (يمثلان حركة اهالة التراب على جسدهما)

الفتاة : (تنثر الورد عليهما) الفاتحه على روحكم اجمعين ... الله

يرحمهم .. كانوا ولاد ستين فى سبعين .

وفيق : (يصرخ) صابر .. الحقنا يا صابر ...

(صابريظهر فى الباب)

صابر : (بهدوء) ايوه يا دكتور فيه حاجة ؟

سعيد : انت مش شايف ؟ دى هتقتلنا .

صاير: (بعتاب) وبعدين فيكى يابنتى .. عيب , مايصحش كده ..تعالى .

الفتاة: (وكأنها طفله) سيب ايدى .. انت كنت ابريا ؟

صاير: كده ؟ طب ذنك على جديك , بس لوحصلك ايه مش هسأل فيكى (يتحرك)

،فسيق: انت اتجننت زيبا , امسكها

(يجريان خارج المكتب وتجرى خلفهما)

الفتاة: انت صحيت تانى يامسكين ؟ خد (وتصوب المسدس نحوه فيخرج منه ماء)

سعيد: (بفرع) حوش السلاح من ايدها يا صاير .

صاير: (يمسكها ويأخذ منها المسدس) معلش عشان خاطرى المره دى .

وفسيق: يا عتريس .. يامتولى ..

(يدخل المرضان والمجموعه)

سعيد: لاء محدش يستعمل العنف معاها .

(يأخذ المسدس من صاير ويوجهه للممرضين) عندك

انت وهو .

الفتاة: (تصرخ وتضرب الممرضين)

سعيد: ماتزعليش يا حلوه .. دى الليله ليله فركك ؟

الفتاة: صحيح ؟

سعيد: طبعا والمعازيم اهم والشربات , مش سامعه الزغاريط ؟

(يهمس للمرضيين والمجموعه) زغرطوا .. زغرطوا .
(المجموعه تزغرد ومظلوم يعزف موسيقى بفمه
والمبسوط يغنى)

الفتاة: امال فين عريسى؟

سعيد: (يتلفت حوله ثم يشير لوفيق) اهو.

الفتاة: (تهتف) حبيبي .

وفيق: (محتجا وهو يتراجع) انا ؟

الفتاة عماله ادور عليك واتاريك هنا جنبى

وفيق: دكتور..الحقنى .

سعيد: جاريها..سايرها ياوفيق .

مجموعه: " عريسى جه .. انا جايه اهو

المجموعه تضع مفرش على رأس الفتاه كطرحه زفاف)

وفيق والفتاه يجلسان على كرسيين كأنهما فى كوشة فرح)

مظلوم: (يمثل دور مأذون ويضع منديلا فوق يد سعيد ووفيق)

(وفيق والفتاه ويسيران فى زفه واضعه ذراعها فى ذراعه)

صاير: الف مبروك ياولاد , دلوقتى اقدراموت وانا قلبى مطمئن .

(يخرجان وخلفهما المرضان والمجموعه)

(سعيد يتهاوى جالسا)

صاير: يااسلام حضرتك عملت معجزه طبيه .. الله مالك

يادكتور؟ دكتورسعيد .

سعيد: (يرفع رأسه) سراب .. سراب يادنيا العذاب ..الله جنب

..الله خد .. لله عليه العوض .

صاڤر: الله هي البنت بهتت عليك يادكتور؟

سعيد: بلا دكتور بلازفت ، سيبني في حالي يا صاڤر .

صاڤر: اول مره اشوفك بتعيط على مريض .

سعيد: انا بعيط على نفسي . انا راخر حصل لي زيها .. اشجان

سابتنى يا صاڤر

صاڤر: طب بس .. بس قطعت قلبي (ومستدركا) اشجان مين؟

سعيد: البنت اللي كنت هتجوزها من عشرين سنه .

صاڤر: ياه ولسه فاكر؟

سعيد: زي مايكون امبارح .. كنت لسه جاي م البلد وبدرس في

الجامعه وهي كانت ممرضه ف القصر العيني . عشت معاها

اجمل سنين شبابي واتفقنا نتجوز اول ماتخرج .

صاڤر: هي دي الرجوله .. ويعدين ؟

سعيد: قبل مانكتب الكتاب بنص ساعه جالي شلل نصفي .

صاڤر: فين بالظبط ؟

سعيد: (يشير الى النص الاسفل ثم يخفي وجهه بيديه)

صاڤر: اخ .. مشكله . بس بتحصل .

سعيد: فضلت ابعد عن طريقها عشان ما اعذبهاش معايا .

صاڤر: هي دي الرجوله .

سعيد: بس كان عندي امل هي تتمسك بيا .. ما اتمسكتش .

صاڤر: هي دي الانرثه .

سعيد: استاذى الدكتور فهمى وقف جنبى لحد ما تعالجت وخفيت
واتجوزت بنته.

صاير: اه، عشان كده المدام بتاعتك بتكره الممرضات

سعيد: ايوه، فاكرانى لسه بحب اشجان مع انى من وقتها
ماشوفتهاش ولا اعرف ان كانت عايشه ولا ميته .

(نسمع ضوضاء وصراخ للفتاه ثم يدخل شحات)

شحات: الحق .. يادكتور، دول عايزين يدوها جلسة كهربيا.

سعيد: (بغضب) انا قلت محدش يأذيها الا جلسة الكهرباء .. الحقها
يا صاير.

(يخرج صاير ويدخل وبيق من ناحيه اخرى)

وفيق: (بملايس ممزقه لاهثا) لازم تخلىنى اسايرها واعمل

عريسها ؟ طب اهي عايزانى اخش بيها. اتصرف ازاي

دلوقتي؟ (ثم بفرع) اهي جايه خبينى .. دى بتعض.

(يعبر الممرضان وهما يصرخان والفتاه تطارد هما)

وفيق: لسه حضرتك ناوى تخلى البنث هنا ؟

سعيد: اطمن انا قربت احط ايدي ع النذل السافل اللى خدعها

(ويضع يده على كتفه)

وفيق: (وهو يزيح يده) وهتعرفه ازاي؟

سعيد: طب ومال وشك اصفر كده ليه؟

وفيق: دكتور .. انت بتشك فيا ؟

سعيد: تنكر ان البنث مسكت فيك وقالت انك عريسها ؟

وفيق: ما انت اللي شاورت لها عليا , ثم انا مش فاهم حضرتك مهتم بيها كده ليه ؟

سعيد: لانها جاتنى فى المنام ولازم اعرف بقية الحلم .

وفيق: بس حضرتك قلت ان الحلم اتحول لكابوس وقلب بغم .

سعيد: مايهمنيش . المهم اعرف الحقيقه .

استنى .. افكرت حته م الحلم .. فيه حد حاول يأذى البننت او يقتلها .

وفيق: ارحم نفسك وانسى الحلم وانسى البننت .

سعيد: مش هنسى . اوعى من سكتى لازم الحق انقذها .

وفيق: (محاوولا اللحاق به) دكتور سعيد ..

(تدخل المجموعه وتحاصر وفيق)

مظلوم: سيبه يادكتور وفيق .. خايف ينقذها ليه ؟ ولا انت بتحقد عليه ؟

مجموعه: بتحقد عليه .. بتحقد عليه .

شحات: اكمنه هينجح ف اللي انت فشلت فيه .

مجموعه: فشلت فيه .. فشلت فيه .

وفيق: بس اخرسوا مجانين .. مش فاهمين .

(يفترق المرضى ويظهر سعيد ومعه الفتاه)

(وفق يختبىء خلف مقعد ويبدو ظاهرا للمتفرجين

ويشير لمظلوم ان يسكت)

(مظلوم يشير للمرضى ان يسكتوا)

سعيد: ماتخافيش، انا هميكي منهم كلهم، تعالى استخبي هنا في الاستراحة بتاعتي.

(تدخل الاستراحة، سعيد يرى وفيق فيختبىء بدوره خلف الشيزلونج ويشير لمظلوم ان يسكت، فيشير للمرضى ان يسكتوا)
(صابر يدخل)

صابر: الله محدش هنا ؟ (يرى وفيق لكنه يشير له ان يصمت)
(صابر يهز رأسه موافقا ويتحرك فيرى سعيد الذي يكرمه نفس الاشارة)
(صابر يتظاهر بالخروج ثم يختبىء خلف البرافان ويشير لمظلوم ان يسكت)
(موسيقى مع اظلام تدريجي وتلمح اشباح الثلاثة وهي تتحرك للاستراحة)
(نسمع اصوات صراخ الثلاثة)

(تظهر المجموعة ثم تخرج الفتاه من الاستراحة)

الفتاة: الحقونى .. الحقونى الدكتور عايز يقتلنى .

مجموعة: انهى فيهم؟

الفتاة: الدكتور اللى بيفتح الجروح ويموت العيانيين .

مظلوم: ماكلهم بيفتحوا الجروح ويموتوا العيانيين .

مش انتى اللى جيتى له برجايكى عشان يعالجك ؟

الفتاة: لاء انا جايه عشان اداريه !

اظلام

المشهد الثانى

نفس المنظر: اليوم التالى .

اضاءه معتمه فى مكتب الدكتور سعيد , يظهر خيال الدكتور
من خلف زجاج غرفة الاستراحة وهو يروح ويجىء .
بينما مجموعة المرضى تظهر فى القاعة .

مجموعة: مؤكد فيه جريمه حصلت .

والدكتور سعيد , سهران من ليلتها بيبحث ومصمم يعرف
الجانى وينتقم منه .

مجموعة: مؤكد فيه جريمه حصلت ..

مظلوم: ومؤكد فيه جريمه هتحصل .

لكن ياترى هيقدر يمنعها ؟ ولا هيكون هو راخر ضحيتها؟

مجموعة: واحنا مالنا ؟ احنا قاعدين متفرجين .

متكثفين .. مستهبلين . عميان واحنا مبخلقين .

الزعيم: لكن ف وقت الجد . كلنا شاهدين .

مجموعة: كلنا شاهدين .. كلنا شاهدين .

(يسمع صوت الدكتور سعيد من الداخل)

سعيد: اتكلم .. اعترف .. ما فيش جدوى م الانكار .

(المجموعه تتسلل الى مكتب الدكتور سعيد وتلصت)

مضروبه: (تنظر فى اتجاه) مرات الدكتور سعيد جايه تدور عليه .

طاهره: حد يعرف حاجه عنها حاجه ؟

طناش: انا اعرفها .. دى تعتبر من العاقلين .
مجموعة: بالطيف .. بالطيف .. طب وبعدين ؟
شحات انا خايف .

مجموعة: كلنا خايفين . (المجموعه تتجمع فى ناحيه)
(تدخل عصمت وصابر)

عصمت: يعنى ايه محدش شافه ؟ دا ماباتش فى البيت امبارح .
ودى اول مره يعملها .

صابر: علمى علمك يامدام عصمت . مش مصدقانى . دورى
حضرتك بنفسك .

عصمت: (تتحرك للمكتب وتطرق الباب) افتح ياسعيد .. انا متأكده
انك هنا ، لو مافتحتش هكسرالباب (ثم مستدركه لصابر)
مش نقول ان الباب مفتوح ياغيبى ؟

صابر: (بدهشه) اه والله . اول مره اخذ بالى .

عصمت: دا مش هنا فعلاً (للمرضى) انتم .. محدش يعرف الدكتور
فين ؟

مجموعة: كلنا عارفين .. كلنا عارفين .

عصمت: طب ماتتكموا . ليه ساكتين ؟ قولوا راح فين .

سعرانه: ندهته النداهه .

مجموعة: (يقتربون ويلتفون حولها) ندهته النداهه .. ندهته النداهه .

عصمت: مين نداهه دى ؟ اوعى يكون الدكتور بتاعك بيلعب بديله .

دا انا اطريق المصحح ع اللى فيها ، انطق مين نداهه دى ؟

صاير: والله ما عرفها ولا عمري شفتها .

شحات: دى مش ست عاديه، دى حوريه ..

عصمت: (مقاطعه) وست حوريه دى بنت مين ؟ اجمل منى ؟

والدكتور يعرفها منين ؟

مجموعه: يعرفها م الحوايت .

مظلوم حوريه بتطلع م البحر وتنادى ، اللى يلتفت لها يتسحر بيها .

طاهرة: واللى يقرب منها، تاخده وتنزل بيه لسابع قرار ما يطلعش

تانى . هى هى هى هى هى هى .

عصمت: انا غلطانه انى بسأل شويه مجانيين .. غوروا من وشى

جتكم البلا .

مجموعه: يا لطيف يا لطيف ، نجنا من المهافيف .

(يخرج المرضى)

عصمت: انا فلقانه خالص . خايفه يكون حصل له مكروه . قولى

حاجه تظمنى .

صاير: اطمنى، ياما حوادث عربيات وبيطلعوا منها عايشين .

عصمت: بقواك طمنى تقوم تخوفنى ؟ انت تعرف العربيه تمنها كام

يا جاهل ؟

(تخرج عصمت)

صاير: ربنا يشفى . (ويبدأ ترتيب المكان)

(يسمع صوت سعيد واصوات تحطيم اشياء من خلف باب

الاستراحه)

سعيد: لاء لاء .. انا لاسمح ماترفعش صوتك اخرس
... مش هخرس .

صابر: (يلتفت لحظه لنفسه) وانت مالك ؟ مشى حالك , كله
محصل بعضه .

(ثم يواصل عمله بلا اهتمام)

(سعيد يظهر بدون الجاكته وقميص ممزق وشعره مهوش)

سعيد: (يحدث نفسه) قلت لك مش عايز اسمع صوتك . وانا
مش هسكت .

صابر: انت هنا يادكتور؟

سعيد: (شاردا) لاء .

صابر: طيب .. اما اروح ادور عليك .

سعيد: أقعد يا صابر .

صابر: حاضر .

سعيد: انت الوحيد اللي اقدر أأتمنه ع السر الخطير اللي هقولهواك

صابر: (يقف بقلق) خير يادكتور .

سعيد: (بخطوره) للاسف مش خير , الدكتور و فيق مريض

ومش طبيعي بالمره .

صابر: (بهدوء) ربنا يشفى .

سعيد: (بدهشه) الله , يعنى مش مستغرب ؟

صابر: (متتهدا) اصلى بصراحه كنت شاكك فيه من زمان .

سعيد: دا امبارح كان هيرتكب جريمة قتل لولا انا اتدخلت

ومنعتہ . والمصیبه انه بیعاملنی کأنی اناللی مش طبیعی
تصور؟

صاہر: وحضرتك مستغرب لیه ؟ ما هو طالما عربته نفسیا
وكشفت خفايا اعماقه اللاشعوريه ، لازم يتكون عنده ردود
افعال سلبيه تجاهك ويتهمك انت عشان يبرأ نفسه ، فرويد
بيقول كده .

سعید: ايه دا ياصاير .. دا انت مثقف عنى . ريحتنى الله يريح
قلبك . تصور انه كان هيخلىنى اشك فى نفسى فعلا ؟

صاہر: لاء مش للدرجه دى يادكتور .

سعید: والله ياصاير ، قولى .. هوانا مش بيان عليا انى طبيعى ؟

صاہر: طبعا اى حد يشوفك يقول عليك طبيعى ، المهم هو هنسيه
كده من غير علاج ؟

سعید: هيرفض يعترف انه مريض ، عشان كده لازم نسايره ف
اوهامه ومانقا وحوش فى اى حاجه .

صاہر: والله انا طول عمري بسايره من غير ما حد يقولى .

سعید: وعائيزك تحط له البرشامه دى فى الشاى بس كتيمى . دى
هتخلى عقده لسانه تنفك . وتطلع الحقيقه اللى جواه .

صاہر: بسيطه يادكتور .

سعید: لما يوصل خلى بالك منه وراقبه كويس .

(يخرج سعيد الى الاستراحه)

صاہر: (يدق كفا بكف) لاحول ولاقوة الا بالله .. الدكتور

يتجنن؟ امال الناس العاديه يحصل لهم ايه ؟ الحمد لله
انى لسه بعقلى . وهو انا لسه بعقلى ؟ يجوز وانا هعرف
منين ؟ لكن انت مالك ؟ مشى حالك , ياللا كله محصل
بعضه .

(يدخل وفيق)

وفيق : (لنفسه) مش هقدراواجهه , موقف يكسف , انا هتجنن .
هتجنن . اعقل يارفيق ماتتجننش . ازى بس ؟ زى الناس
امسك اعصابك , دا هيخليك تكلم نفسك . مايقدرش .
مايقدرش ازاي ماهو خلاك تكلم نفسك اهو . طب اعمل
ايه ؟ اتكلم معايا انا .

صابر : طب اسيبكوا عشان تتكلموا براحتكم ..

وفيق : لاء استنى . اقعده عندك .

صابر : حاضر .

وفيق : صابر .. انت بتحب الدكتور سعيد , مش كده ؟

صابر : (بخوف) ربحك انت كمان والله , انما خير فيه حاجه ؟

وفيق : ايوه . للاسف , الدكتور سعيد بيمر بأزمه مرضيه خطيره

..تصور ؟

صابر : (متنهدا) رينا يشفى . بصراحه انا كنت شاكك فيه من

زمان .

وفيق : دا بيحصل له هلاوس بيتيهاله حاجات مش موجوده , لا

وايه ... بيكلم نفسه .

صاير: لاء ؟

وفيق: والله وامبارح كان ممكن ينتحر ويقطع شريان ايده ..

صاير: طب وبعدين . هنسيه كده من غير علاج ؟

وفيق: لازم فى الاول نسايره ف ارهامه ومانقاوحوش فى اللى
يقوله .

صاير: طب مانا بعمل كده من غير ماحد يقولى . لكن مش واجب
برضه نديله برشامه تفك عقدة لسانه عشان تقدر تعالجه ؟

وفيق: والله فكره يا صاير . بس تفكر هيرضى ياخدها ؟

صاير: احطهاله فى الشاى كتىمى .

(يدخل سعيد وقد ارتدى جاكته)

سعيد: اهلا اهلا يا وفاق ..

وفيق: اهلا بيك يا دكتور ..

سعيد: ازيك النهارده ؟ عامل ايه , نمت كويس ؟

وفيق: الحمد لله . انا كويس خالص . وانت ؟

سعيد: بمب . كويس خالص .. خالص .

صاير: طب عن اننكم لحسن انا مش كويس خالص .

وفيق: لحظه يا صاير . تشرب شاى معايا يا دكتور ؟

سعيد: عمرك اطول من عمرى (لصاير) اتنين شاى بسرعه

يا صاير . (ومستدركا) بس الشاى بتاعى انا يكون من

غير نعاى .

صاير: مفهوم يا دكتور .

وفيق: وانا الشاى بتاعى عايزه من غير... .. سكر، مفهوم
ياصاير ؟

صاير: مفهوم يادكتور ، هو انا غبى ؟
(يخرج صاير)

وفيق: خير يادكتور. ارعى تكون لسه بتشك ان لياعلاقه بالبنت
اياها؟

سعيد: قصدك احلام .

وفيق: هى اسمها احلام ؟ ماكنتش اعرف . المهم حضرتك لسه
بتشك انى اعرفها ؟

سعيد: لاء خلاص ، ماعدتش بشك فيك .

وفيق: الحمد لله .

سعيد: انا اتأكدت .

وفيق: (بذهول) اتأكدت ازاي ؟

سعيد: طب ماتستنى لمايجى الشاى وتشربه وتهدى كده .

وفيق: احسن برضه .

(لحظة صمت والاثنان يتأمل كل منهما الاخر)

الاثنان: (يناديان معا ياصاير .

يدخل صاير بصينية الشاى)

صاير: انا اهو ..

سعيد: فين الفنجان بتاع وفيق ؟

صاير: (بتردد) اظن ده .

وفيق: (بقلق) تظن يعني ايه ؟

صاير: (لنفسه) والله ماتفرق . كله محصل بعضه .

سعيد: طب درق انت بقى .

صاير: (بقلق) ادوق انا ؟

سعيد: ايوه مش هي غلظتك ؟

صاير: حاضر (يرشف من فنجان) دا بتاع حضرتك ..

(يرشف من الاخر ثم لوفيق) ودا بتاع حضرتك برضه

سعيد: لاء اتأكد كويس .

صاير: حاضر (يرشف من الفنجانين) دا بتاع حضرتك ودا بتاع

حضرتك برضه والله كله محصل بعضه .

(يخرج صاير)

وفيق: ايوه يادكتور ، اتأكدت ازاي ان لى علاقه بأحلام ؟

سعيد: وعرفت منين ان اسمها احلام ؟

وفيق: حضرتك اللي قلت لى كده .

سعيد: انا كنت بوقعك .

وفيق: و حضرتك عرفت اسمها منين اذا كانت هي نفسها فاقده

الذاكره ؟

سعيد: انا اللي بسألك مش انت اللي تحقق معايا .

وفيق: امرك .

سعيد: تنكراتك دخلت لها الاستراجه امبارح ؟

وفيق: انا كنت داخل لحضرتك .

سعيد: وكان في ايدك مشرط ولا لاء ؟

وفيق: دا كان في ايد حضرتك انت وانا خدته منك .

سعيد: كريس , خطفته من ايدى ليه ؟ كنت عايز تعتدى بيه

على مين ؟

وفيق: مش عارف اقول لحضرتك ايه .

سعيد: ولا حاجه بص في عنيا . بص اكثر . نام , ريلكس

خالص , غمض عينيك .

جارينى بسرعه بأول حاجه تخطر على بالك الحياه ..

وفيق: حلوه .

سعيد: الحب ..

وفيق: بهدله .

سعيد: الجواز ..

وفيق: مصلحه .

سعيد: الصدق ..

وفيق: خيبه .

سعيد: الكذب ..

وفيق: منجى .

سعيد: المرأه ..

وفيق: مرتبه .

سعيد: الحق ..

وفيق: ضايح .

سعيد: الخير ..

وفيق: نسيبى ف حالى (ينهض جالسا)

سعيد: اجابتك تدل على انك انتهازى ماعدكش قيم . ادى حقيقة نفسك .

وفيق: (باكيا) انا قلت لابويا بلاش تدخلنى الطب !

سعيد: هائل , ذكريات الطفوله ابتدت تقفز من اللاشعور .

وفيق: انا استاهل ضرب الجزمه عشان اشتغلت معاك .

سعيد: رائع , ابتديت تشعر بالذنب . اعترف , لك علاقه بالبنيت دى ؟

وفيق: (بأنهيار) جايز , معرفش .

سعيد: لازم تعرف .. افكر .

وفيق: انا مشيت مع حسنيه ومحاسن وجماليات وعدلات ونوال وامال و..

سعيد: عرفت كل دول ؟ يا بختك ! (مستدركا) كمل ..

وفيق: وسوسو وشوشو ومرفت وعصمت و..

سعيد: (مقاطعا بفزع) عصمت ؟ دى مراتى ياندل !

وفيق: واحده غيرها والله .

سعيد: ماعلينا . مكانش فى البنات دول واحده تشبه البنيت دى ؟

وفيق: يمكن ..

سعيد: (بهياج) مافيش حاجه اسمها يمكن , اعترف احسن لك .

وفيق: (بيأس وانهيار) ايوه كنت اعرفها .

سعید: عظیم , احکی لی کل شیء بالتفصیل .

وفیق: مش فاکر . ارحمنی یادکتور .

سعید: انت مش عایز تفتکر عشان ضمیرک مایعذبکش بس دا

غلط . لازم تخلیه یعذبک .

وفیق: عایزنی اعمال ایه ؟

سعید: انت دکتور وتعرف ازای تعالج نفسک . استخدم طریقه

الایحاء الذاتی , اقف قدام مرایه وقول انا کذاب انا حقیر .

وفیق: حاضر . انت کذاب .. انت حقیر .

سعید: انت .. وقول وریا , انا کذاب وانتهازی جبان .. انا وغد

بورجوازی حقیر .

وفیق: انا کذاب وانتهازی جبان .. انا وغد بورجوازی حقیر...

سعید: انا مش طبیعی لکن هبقی طبیعی .

وفیق: انا مش طبیعی لکن هبقی طبیعی .

سعید: لازم اطهرنفسی ..

وفیق: لازم اطهرنفسی .

سعید: لازم اصلح غلطی ..

وفیق: لازم اصلح غلطی ..

سعید: واتجوز احلام ..

وفیق: واتجوز احلام .. (مستدرکا) لاء کله الاکده , حرام علیک .

سعید: انت خطر ولایم تتحجز مع المرضی (فی الدیکتافون)

التمرچی صابر احضر حالا .

وفيق: انا هروح العنبر بنفسى (يتحرك) انا كداب وانتهازى
جبان .. انا وغد بورجوازى حقير... انا مش طبيعى.. لكن
هبقى طبيعى.

(يخرج وفيق ويدخل صابر)

صابر: انا كداب وانتهازى جبان انا وغد بورجوازى حقير.

سعيد: انت خدت برشامه انت راخر ؟

صابر: بس انامش عارف اصلح غلطنى .

سعيد: غلطة ايه ؟

صابر: (يتمدد على الشيزلونج بسرعه) انا عملت ذنوب كتيره

ف شبابى ودا بسبب طفولتى المعقده . انا اتولدت ف جو

أزرق رهيب .

سعيد: فز قوم انا مش فايق لك (ينهض صابرفينام مكانه) انا

تعبان .. تعبان قوى يا صابر.

صابر: رينا يشفى .. البرشامه هتريحك .

سعيد: (مستنكرا) انت بتقول ايه ؟

صابر: حضرتك اللى بتقولى انك تعبان قوى .

سعيد: عندك حق , انا اسف يا صابر , قولى ماعرفتش حاجه من

الدكتور وفيق ؟

صابر: ايوه عرفت ان حضرتك (يشير بعلامة الجنون)

سعيد: انا ؟

صابر: دا هو اللى بيقول .

سعيد: وانت سكت له ؟

صابر: والله ما بقتش عارف ا قوله ايه .

سعيد: ايه ؟ هو انت مش عارف مين فينا العاقل ومين العيان ؟

صابر: عارف انه حضرتك طبعا .

سعيد: طيب (مستدركا وهو يمسك بخناقه) انا ايه بالضبط ؟

العاقل ولا العيان ؟

صابر: انت سيد العاقلين . بس لما ضغط عليا وحلفنى اقول الحق .

اضطريت اعترف له انك مروش ولاسع .

سعيد: انت زاي تجرؤ تقول عليا كده ؟

صابر: مش حضرتك اللي طلبت منى اسايه ؟

سعيد: اه فعلا نسيت ، ان اسف يا صابر .. الظاهر اعصابى تعبانه

صابر: معلىش ربنا يشفى .

سعيد: (مستدركا بتفكير) استنى . وانا ايش عرفنى انك

ما بتساير نيش انا راخر ؟

صابر: نعم ؟ وحضرتك مش واثق فى نفسك ؟

سعيد: لاء طبعا واثق . انا اسف يا صابر .

صابر: بلاش ، افرض انا شايف انك ولا مؤاخذه ترالالى . مش

عيب تمرجى غلبان زى يخليك تتهز وتشك فى نفسك ؟

سعيد: عندك حق ، انا اسف يا صابر . دا حتى وفيق اعترف انه

كان له علاقه بالبينت فعلا .

صابر: وانت صدقت ؟ دا تلاقيه بياخدك على قد عقلك عندك

سعيد: عندك حق، بس انا هتقعد مع البنات واخليها تفتكر كل التفاصيل ويعدين اراجعه بيها

صابر: مابلاش، انا قلبى مش مطمئن للحكاية دى ..

سعيد: انا مصر، قولى هى عامله ايه دلوقتى ؟ .

صابر: اسكت مش خفت وقت عاقله .

سعيد: مستحيل ، عاقله زينا كده ؟

صابر: لاء عاقله بحق وحقى . اصلها خدت جلسة الكهريا ونامت وصحيت عال العال .

سعيد: بالعكس، جلسة الكهريا بتسلب الاراده .

صابر: اهى جت شوفها بنفسك .

(تدخل الفتاة وقد غيرت ملابسها وشعرها)

الفتاة: صباح الخير يادكتور .

سعيد: (بدهشه وارتيباك) غريبه كأنك واحده تانيه .

الفتاة: ازيك دلوقى يادكتور .. مش احسن ؟

صابر: هوره .. احنا كنا فين ؟ نحمد ربنا انها جت على قد كده .

الفتاة: ماهو البركه فيك ياعم صابر .

صابر: لا البركه فيكى انتى يابنتى .

سعيد: انتوا بتتكلما على مين بالظبط ؟

صابر: والله كله محصل بعضه .

الفتاة: اصلى خايفه اكون ضايقتك امبارح . لكن مدام اطمنت عليك، اسمح لى امشى .

سعيد: لا انتى مش هتسيىى المصحه الا بعد ما اساعدك تفكرى
نفسك وماضيك . ارتاحى يا احلام .

الفتاة: هو انا اسمى احلام ؟

سعيد: انا سميتك كده لان لازم يكون لك اسم نناديكى بيه،
صابر.. سيينا دلوقتى لوحدينا .

صابر: مابلاش، انا قلبى مش مطمئن .

سعيد: ماتخافش عليا..

صابر: امرك (للفتاه) خلى بالك مله يابنتى . دا واخذ برشامه
تقبله .

(صابريخرج)

سعيد: تسمحيلى اشغل جهاز التسجيل ؟

الفتاة: اللى يريحك . لكن اشمنى اخترت لى اسم احلام ؟

سعيد: معرفش ليه ، يمكن يمكن عشان حلمت بيكى قبل
ما اشوفك . بدمتك مش انتى اللى كنتى معايا فى الحلم اول
امبارح ؟

الفتاة: (متراجعه بخوف) حلم ؟ ويتقولوا عليا انا مجنونه ؟

سعيد: اصلى حلمت بواحد شبهك بالطبط .

سعيد: جايز ، ما احنامش ممكن نتقابل الا ف الحلم ، لأن
احلامنا مستحيله .

سعيد: ايه دى فزوره ؟

الفتاة: دى الحقيقه . الحلم داىما اجمل م الحقيقه ، حتى الكوابيس

اهون بكتير م اللي بتشوفه العين واحنا صاحين .

سعيد: معقول .. تعرفى انك اعقل واحده فينا .

الفتاة: دابس من ذوقك (تخاطب الفراغ) اقعدى يا حبيبتى .

سعيد: (يلتفت بدهشه) انتى قلتى حاجه دلوقتى ؟

الفتاة: لاء ماستغناش , دا انا بقولها هي (ناظره بجوارها) سلمى

ع الدكتور يا حبيبتى . مدى ايدك !..

سعيد: اه (وهو يكتب فى نوته) هلاوس وضلالات بصريه .

الفتاة: الينت ماد لك ايدها

سعيد: سورى ماخذتش بالى (يمد يده للفراغ) اهلا بالقموره .

اخذتك .. مش كده ؟

الفتاة: غريبه , عرفت ازاي ؟

سعيد: الشبه واضح . وانتى ما تجوز تيش . تبقى اخذك الصغيره .

سعيد: ماشاء الله .. هاتى بوسه يا حلوه . هاها مكسوفه . بوسه

صغله .

الفتاة: بلاش احسن يكون عندك مرض تعديها (للفراغ) امسكى

امسحى مناخيرك بدل ماتشنى .

سعيد: هي التنوسه اسمها ايه ؟

الفتاة: انا فاكروه نفسى لما افتكرا اسمها .

سعيد: واضح يا احلام انك كنتى بتحبى حب كبير , لكن للاسف

حبيبك كان ندل واتخلى عنك .

الفتاة: مش فاكروه , لكن كل شىء جايئز .

سعيد: مش جايز، دى حقيقه، والنذل دا يبقى الدكتور وفيق
واعترف لى بنفسه .. عشان كده من غير ماتحسى
رجليكى جابتك لحد المصحه وراه ..

الفتاة: برضه مش فاكروه .

سعيد: انتى رافضه تفتكرى لأن الذكرى بتألمك . والنسيان حيله
لاشعوريه عشان تهربى من مواجهة الألم . لكن اللى
عايزك تعرفيه ان كلنا انكتب علينا الألم حتى انا .

الفتاة: وانت عرفت الألم منين ؟ ، قرئت عنه ف الكتب ولاشفته
ف دموع العيانيين ؟

سعيد: لاء عشته وجربته ، اقصى ألم ممكن تتخيليه .

الفتاة: ألم زى ده ؟ (وتصفحه بقوه)

سعيد: لاء مش دا الألم اللى اقصده .

مش انتى بس اللى اتعرضتى للظلم والخيانه، اناكمان حبيت
واحد وهجرتنى . كانت ممرضه واسمها اشجان . كانت
تشبهك خالص . نفس الشكل والصوت وحتى الفستان
كأنكم اخوات . وهى برضه كان لها اخت صغيره زمانها
كبرت وبقت قدك .. وكان اسمها .. (ثم يسكت فجأه)

الفتاة: اسمها ايه ؟

سعيد: مش فاكر

الفتاة: انت رافض تفتكر لان الذكرى بتألمك ، حاول تفتكر .

سعيد: مش فاكر (مستدركا بعصبيه شديد) انا اللى بسألك مش

انتى اللى بتسألينى .

الفتاة: طب ارجوك ماتعصبش نفسك

سعيد: (بهدوء) انا هادى جدا , انا اللى بطلب منك , نسيبى
نفسك عشان اساعدك تفكرى الماضى . ارجعى لورا .

الفتاة: (تتراجع بظهرها للوراء)

سعيد: لاء ارجعى بذاكرتك , ريلكس خالص (كأنه ينومها)
بصى لى وركزى فى عنيا .. ركزى اكثر..اكثر (يتراجع
مرتبكا) انتى بتبخلقى فيا كده ليه ؟ ماتبصليش بالشكل ده
(يهرب من عينيها) عايزك تتخيلى اللى حكيتهموك .
تصورى انى حبيبك .

الفتاة: انت ؟

سعيد: مثلا ، مجرد تمثيل .وسيبى مشاعرك تعبر عن اللى
جواكى . حاسه بايه ؟

الفتاة: سعيده لاء حزينه , لاء فرحانه بس , بس خايفه وقلقانه .

سعيد: ماتخافيش من اى حاجه طول مانا جنبك يا حبيبتى . تحبى
نتشمى نشم الهوا ؟

(يأخذها خارج المكتب ويظهر المرضى)

(الاثنان يتمشيان فى مكانهما)

سعيد: خلى اختك تمد شويه .

الفتاة: (تخاطب الفراغ) مدى شويه يا حبيبتى . معلى اصل
صندلها مقطوع .

سعيد: انتى لازم تجيبها معاكى ؟

الفتاة: ابويا ماببرضاش يسبنى اخرج لوحدى.

سعيد: انا خايف تفتن له ويعرف انك بتقابلينى.

الفتاة: اطمن دى بتحبلى قوى.

سعيد: عارف وحتى خدت بالى انها بتقلدك فى كل حاجه . بس خليها تسيبنا شويه .

الفتاة: روحى العبى بعيد (مستدركه) بس ماتبعديش كثير لحسن تنهوى .

(المرضى يصنعون موسيقى تصويريه بفهمهم وايقاعات تكون خافيه تطلع حيننا ثم تنخفض اثناء الحوار وتسكت احيانا وتعود الخ)

سعيد: تعالى نقعد ع الدكه دى الله ع النيل واللبل . . ولا القمر شايفه القمر ياروحى ؟

(تغير الاضاءه الى ليل)

(مريض فوق سلم عال يمك بقرص مستدير مضىء كأنه القمر)

الفتاة: الله , سامع الغنوه اللى ف الراديو ؟

لاء (مستدركا يسايرها) اه طبعا , سامعها . دى غنوة ايه ؟

الفتاة: مش عارفها ازاي ؟

سعيد: افكرت . دى غنوة من قد ايه كنا هنا , غريبه دى نفس الغنوه اللى .. يحبها .

مبسوط: (يغلى) من قد ايه كنا هنا .. من شهر فات ولاسنه .. ايام
ماكنا لبعضنا والدهر غافل عننا .

شحات: فل وباسمين .. فل للفل . اشترى منى عشان خاطر
الاموره . ربنا يخليكم لبعض

سعيد: انى اسف . نفسى اشترى لك الدنيا كلها بس انتى عارفه .
القرشين اللى بيجولى م البلد يدوبك يقضوا المعاش .

الفتاة: خد اشترى منه (تقدم له ورقه ماليه)

سعيد: انا عمرى ماديتك حاجه وانتى بتصرفى عليا .

الفتاة: انا وانت واحد .

سعيد: ربنا يقدرنى واعوضك عن كل دا , بس ادعى لى اطلع
الاول واخذ البعته .

الفتاة: بعته ؟ يبقى هتسافروتنسانى .

سعيد: انا مش هسيبك , انا هاخذك معايا . بكره هيبقى اجمل . انا

شايف المستقبل قدامنا . مش هوعدك بفيلا وعريه , لكن

اوعدك انى هسعدك بكل طاقتى , ومش انتى بس . انا

اوعدك انى هعمل كل جهدى عشان اغيرالمجتمع كله .

اساهم فى خلق مجتمع جديد قايم على العدل والمساواه

والحب . اول ماارجع م البعته هفتح عياده .. لآء

مستوصف واعالج الغلابه مجانا , اشفى العيانيين الشقيانيين

الحيارى وانتى هتكونى دايم جنبى تاخذينى ف حضنك

وتمسحى لى عرقى .

الفتاة: (تبكى والغنوه تصبح خافته)

سعيد: (يلف ساعده حولها) انتى بتبكى يا عمري ؟

الفتاة: الغنوه اثرت فيا .

الزعيم: : (يمر) سيب النعجه ياخروف .

الفتاة: ياكسوفى .

سعيد: انا كمان تهمنى سمعتك ومارضلكيش البهدله . تعالى نروح

شقتى .

الفتاة: مقدرش .

سعيد: لو بتحبينى يبقى لازم تتقى فيا وماتخافيش منى . تعالى .

(ينهض ويأخذ يدها ويتحركان بحركه بطيئه كما فى

الفيديوكليب)

(يدخلان الاستراحه ويظهر خيالهما وهما يتعانقان)

(اثناء ذلك المرضى يصنعون موسيقى تصويريه مناسبه)

(سعيد والفتاه يظهران)

الفتاة: (وهى تبكى) يا فضيحتى يا فضيحتى . انا ازاي طارعتك ؟

سعيد: محصلش حاجه يا حبيبتى .

الفتاة: لاء حصل .

سعيد: ماتخافيش ، انا مش هسيبك ولاهتخلى عنك . انا من بكره

هصلح غلطتى .

الفتاة: صحيح ؟

سعيد: ايوه ، انا اعرف دكتور امراض نسا كويس يقدر يصلح

الغلطه دى .

الفتاة: يعنى مش هاتجوزنى ؟

سعيد: طبعا يا حبيبتي ، بس لو اتجوزتك دلوقتى ، اهلى يقطعوا
على المصروف ، اصبرى شويه .

الفتاة: خايفه تكون بتضحك على عفتى .

سعيد: عشان يعنى انت مرضه وانى هبقى دكتور ؟ الحب
ما يعرفش المستحيل يا اشجان .

الفتاة: احلف لى بأعلى شىء عندك .

سعيد: أقسم لك بشرفى .

(يدخل صابر)

الفتاة: يا حبيبى ..

سعيد: يا حياتى . (يحتضنها ويهم بتقبيلها)

صابر: يا خرابى .. دكتور . انت بتعمل ايه ؟

سعيد: بجاريها عشان تفتكر .

صابر: لاء ؟ اهو اللي ما يعرفش ان دا علاج نفسى ممكن يقول
حاجه ثانيه .

سعيد: (شاردا) صدقيني يا اشجان انا ما بكدبش عليكى .

صابر: اشجان ؟ انا سايبها وكان اسمها احلام .

الفتاة: هس .. سيه يخرج كل اللي جواه .

سعيد: ايوه صحيح ، فين اختك احلام ، بعدين تتوه .

صابر: دا انت اللي تهت .

الفتاة: تعال ارتاح هنا. ريلكس خالص .

سعيد: (يتمدد على الشيزلونج)

صابر: انت نمت لها يادكتور ؟

الفتاة: وبعدين ؟ هدوه عشان المريض .

(لسعيد) غمض عينك , هقولك شوية كلمات وترد

بسرعه . الدنيا ..

سعيد: غروره .

الفتاة: كتاب ..

سعيد: حبر على ورق .

الفتاة: الحب ..

سعيد: ضاع .

الفتاة: ذكرى ..

سعيد: جراح .

الفتاة: المرض ..

سعيد: غرض .

الفتاة: جواز ..

سعيد: مصلحة .

الفتاة: دكتور ..

سعيد: جبان .

الفتاة: انت ..

سعيد: جزمه قديمه .

الفتاة: ارض ..

سعيد: تنشق وتبلعني .

الفتاة: امنيه ..

سعيد: اموت .. (باكيا) يارب اموت .. يارب اموت .

الفتاة: اعرف نفسك يادكتور .

سعيد: لاء .. مش انا اللي خدعت اشجان واتحليت عنها .

لاء الظروف هي اللي كانت اقوى مني وسنها .. انقدر نعد

لعدة .

صابر: يخربيه عقلك . سي هي التي جزجرك سي الكلام .

الفتاة: نترجي صابر ..

صابر: ايود يا ست الحكيمه .

الفتاة: جهزني حقنه فوم .

صابر: جاهزه .

سعيد: بفرغ لاء . الا انعمده . انا بخاف من الحقن . مش عايز

حقن .

الفتاة: (لصابر) شوف شغلك .

صابر: (وهو يقيد حركته) اهدا بالله يادكتور (يعطيه الحقنه)

بالشفا ان شاء الله .

الفتاة: دلوقتي هتبقى احسن بكثير .

سعيد: ليه سبتيني يا اشجان ؟ ليه اتحليتني عنى لماعرفتني اني

عيان ؟

الفتاة: المرض غرض .

سعيد: أقسم لك كنت عيان .

الفتاة: (تصدر موسيقى تصويرية بفهما)

سعيد: انا انشليت (يسقط ثم يزحف لكرسى المكتب ذو العجلات
ويجلس اليه)

الفتاة: بعد الشر عليك يا حبيبي .

سعيد: ارجوكى حاولى تنسينى .

الفتاة: انا مش ممكن اتخلى عنك ابدا .

سعيد: افهميلى .. انا مريض ما عدتش انفع فى جواز .

الفتاة: اتجوزنى وما تحملش هم .. انا هتصرف ا

سعيد: بس انا مرضاش اظلمك معايا . انا مضطراسيبك واسافر
اتعالج بره

الفتاة: وحبنا ؟ ووعدك ليا ؟ وكلام الناس ؟

سعيد: انا مستعد اعوضك بأى مبلغ تطالبه . يلزمك كام ؟

الفتاة: اخرس .

سعيد: صدقيني . انا مشلول فعلا مش شلل هيستيرى . مش بخدع
روحى عشان اتهرب منك . طب يارب انشل بجد لو كنت
بمثل عليكى .

الفتاة: كذاب .. غشاش .. (تضربه بعصا على قدميه)

سعيد: اضربى اكثر (يكتب احساسه بالالم) اه . مارجعتنيش .

صدقتى بقى انى مشلول ؟

(تدخل عصمت)

عصمت: الله .. الله ياسى سعيد ..

سعيد: (ينهض واقفا على قدميه فى الحال) عصمت ! ماتنهميش غلط .

عصمت: اتفوه على وشك .

سعيد: (ردا على نظرات الفتاه) انا بمشى .. المعجزه اتحققت .. احمدك يارب .

الفتاة: اتفوه على وشك .

سعيد: لاء انا مش هتجوزعصمت عشان فلوسها ولا مصحة ابوها زى الاشاعات الحقيره اللى طلعوها عليا .

عصمت: انا اللى غلطت عشان وافقت اتجوزك . اعمل حسابك ورقه الطلاق هتوصلك بكره .

(عصمت تخرج)

سعيد: طبعا هتسألينى خفيت م الشلل ازاي ؟

صابر: هى كلمتك دلوقتى ؟

الفتاة: (تغنى لاهيه عنه) من قد ايه كنا هنا

سعيد: عينيها بتسألنى انا مش حمار (للفتاه) رينا اراد لى الشفا .

هتعترضنى على ارده رينا ؟ ايوه , الدكاتره قالولى انها

حاله نفسيه . لكن دا تفسير غلط . وانا عمرى ما صدقت

كلام الدكاتره النفسيين (مستدركا برعب) لكن انتى

عرفتى حكايتى مع اشجان ازاي ؟

صاير: ما انت اللى قلت لها .

سعيد: انتى مين؟؟

الفتاة: انا الممرضه .. اطمن خالص .

(تخاطب الفراغ) ماتخافيش يا حبيبتى دا عموس تعبان

شويه .

سعيد: (بأكتشاف) لاء انتى مش الممرضه . انتى اختها . انتى

احلام اخت اشجان الصغيره . واشجان بعناكى تمثلى عليا

دورها عشان تفضحبنى .

الفتاة: عنده حمى ويخطر ف .. ببقى لازم نديله لبوس بسرعه .

صاير: جاهز .

سعيد: لكن دا انا اقتلك انت وهى . اقتلك واشرب من دمك (يمك

المشروط ويتحرك لها)

صاير: اعقل يا دكتور (يتحرك نحوه ليمنعه)

الفتاة: (تعترض صاير) سييه ياعم صاير .

صاير: (يخرج صائحا) الحقونا .. الدكتور اتجنن . الدكتور اتجنن .

الفتاة: (مقتربه بتحدى) اقتلى يا دكتور المجانين .. مستنى ايه ؟

سعيد: (تكتسج يده المرفوعه ثم يسقط منه المشروط) كنتى

هتخلينى اقتلك والحلم يتفسر . انتى اللى جيتلى ف الحلم .

امشى اطلعى بره . (الفناه تهم بالخروج)

سعيد: لاء استنى ماتمشيش . قوللى اشجان فين دلوقتى . بتعمل

ايه ؟ عايشه ولا ميته ؟ سامحتنى ولا لسه شايله منى ؟

اتكلمى يا احلام (يركع باكيا) ابوس ايدك تتكلمى .

الفتاة: (تضحك بهيستيريا وكأنها تبكى)

سعيد: انا دلوقت بس عرفت انى خدعتها و خدعت نفسى . كنت

مريض نفسيا .. والعيان عمره ما بيعرف انه عيان .

مجموعة: اعرف نفسك يادكتور . اعرف نفسك .

سعيد: انا اللى ضيعت اشجان من ايدى وكانت احلى شىء فى

حياتى ..

الفتاة: (تغنى لاهيه عنه) بتلومونى ليه .. طا .. بتلومونى ليه

..طا

سعيد: انا كداب وانتهازى جبان .. انا وغد بورجوازى حقير .

اظلام

المشهد الثالث

المنظر : نفس المنظر اليوم التالي .

(وسيق وعصمت في المكتب) .

عصمت : يعنى البنت دى ماتبقاش اخت الممرضه اللى كان يعرفها
زمان ؟

وسيق : ابداء، دى واحده مجهوله . ولما شافها افكر اشجان واتهيا له
كده . دا بنسبه فى علم النفس عملية اسقاط .

عصمت : لكن هو اعترف لى بعضه لسانه . وظبطتهم سوا .

وسيق : والله اوهام . بنسبها هلاوس وضلالات بصريه وسمعيه .

عصمت : طبعا مانت راجل زيه ولازم تدافع عنه .

وسيق : يا مدام جوزك مريض . والمثل بيقول اذا كان المتكلم
مجنون فليكن المستمع عاقل .

عصمت : اللى اعرفه انه نسي البنت المعفنه دى وعمره ماجاب
سيرتها .

وسيق : هو اضطر يكبت الذكرى جواه عشان خايف منك ولما
البنت المهروسه جت، طفحت الذكرى على سطح الوعى
زى ماتطفح ماسوره مجارى على وش الارض .

عصمت : انت تشبهاك زى الـ.. (وتسكت) كنت هتخلينى اقول
كلمه مقرفه زى كلامك .

وسيق : بحاول اشرح لك الحقيقه بطريقه بسيطه .

عصمت : طب ماتشرح له هو الحقیقه دی .

وفیق : بقولك مریض ، هیج علینا ویتمسك بوجهه اكثر ویفصح
الدنیا . لازم نسیبه یفضفض ونسایره كلنا لحد ما یتخلص
من عقده .

عصمت : ویتخلص منها ازای ؟

وفیق : المثل بیقول اصبر ع المجنون لحد ما یعقل . لما نجاریه
هنقدر نوصل التمثلیه الی بیتوهمها لنهایه سعیده
ونرجع هو لك زی ماكان .

عصمت : حاضر یاوفیق ، هصبر واسایره وامثل لماشوف اخرتها .

وفیق : طب وطی صوتك . دا جای .

(سعید یدخل من الاستراحه)

وفیق : انا كداب وانتهازی ، انا وغد بورجوازی حقیر.. انا مش
طبیعی لکن هبقی طبیعی .

سعید : مافیش داعی تمثل علیا ، انا اتأكدت انك عاقل .

وفیق : الحمد لله .

سعید : لان مافیش مجنون یعرف یخبی ویسبك الكذب . انت
خبیت علیا ان احلام اخت اشجان عشان ماكلتش عایزنی
اتصدم . لکن دی اکبر غلطه ارتکتبها فی حقی ، لان
الافضل اواجه الحقیقه مهما كانت قسوتها .

وفیق : الی تشوفه حضرتك .

سعید : ارجوکی ماتزعلیش منی یا عصمت .

عصمت : لاء يا حبيبي , انا فهمت كل حاجه وعازراك .

سعيد : وايه العقل اللي نزل عليكى دا ؟

عصمت : البركه فى الدكتوروفيق .. قالى اصبرى ع المجنون يصبح عاقل .

سعيد : ايه ؟

وفيق : ما اقصدش حضرتك , اقصد البنات المجنونه .

سعيد : ماتقولش مجنونه . دى ضحية الجريمه اللي ارتكبتها فى حق اشجان , لانها لما شافت اللي حصل لاختها تقمصت شخصيتها .

وفيق : المهم حضرتك هتصرف ازاي ؟

سعيد : مدام احلام متقمصه شخصيتها , يبقى هعرف عن طريقها ايه اللي حصل لاشجان بعد ماسبتها .

عصمت : قصدك عشان تعرف طريق بيتها وتروح لها .

سعيد : اطمنى يا عصمت , حتى لو قابلتها , مستحيل اسيبك . كل شىء راح لحاله . انا كل اللي يهمنى اعرف الحقيقه .

وفيق : وايه الفايده مدام اللي راح راح ؟

سعيد : لاء انا غلطت زمان لانى حسبت كل شىء بحساب المكسب والخساره لكن من هنا ورايح مش هكرر نفس الغلطه .

وفيق : يبقى حضرتك مابتدوروش على علاج للبنات , بتدور على علاج لنفسك .

عصمت : فعلا البنبت دى شغلتك عن نفسك وشغلك وبيتك وختاتك
تسرح وتفكر.

سعيد : التفكير بقى فى نظركم مرض ؟

وفيق : التفكير اللى مايجيش همه .. اه .

سعيد : سقراط قال ايها الانسان اعرف نفسك . وانا لازم اعرف
نفسى .

عصمت : يقطع سقراط وسنين سقراط . انت من يوم مااتلميت ع
الراجل ده وانت ما بقتش طبيعى . طب بس اشوفه .

(يظهر صابر والمجموعه)

صابر : العيانيين جاهزين لجلسة السيكر دراما .

سعيد : وانا كمان جاهز .

وفيق : طب ارجوك يادكتور . كفايه تراقبها من بعيد وما تدخلش
نفسك فى التمثيل معاهم .

سعيد : انا هسكت خالص وانت اللى هتدير الجلسه .

(يدخل المرضى بمقاعد صغيره ويجلسون فى نصف

دائره)

وفيق : دى الجلسه المعتاده بتاعتنا . مين هيكلمنا عن نفسه
النهارده ؟

طناش : اتكلمنا كثير وما فيش فايده .

وفيق : عايزين نناقش النهارده مشكلة زميلتكم احلام .

سعيد : استلى ياوفيق (لعصمت) مدام اطمنتى روحى انتى

ياحبيبتى .

عصمت : بس انا عايزه اتفرج ع البنت المهروسه .

سعيد : دأ مش فيلم سيما يا عصمت ، دى جلسة علاج نفسى .

عصمت : دى حاجة متعلقه بالماضى المهيب بتاعك ويهمنى اعرفه .

سعيد : مش هتقدرى تمسكى اعصابك وهتتفعلى .

عصمت : ابدأ هبقى بارده خالص .

سعيد : العيانيين دول عندهم هيسستيريا ودى ممكن تتنقل لك

وتتعدى منهم بالايعاء .

عصمت : واشمعنى انت ماتعدتش منهم ؟

سعيد : انا مش خالص . ثم انا دكتور . لكن انتى اعصابك خفيفه

ويتستقزى بسرعه .

عصمت : هى حجج وخلص ؟ انا استفز من بنت مجنونه ؟ انت

عايزتستقزنى ليه ؟

سعيد : طب خلاص .. خلاص انا اسف .

(للفتاه) قولنا يا احلام عملتى ايه بعد ما اتخلى عنك

حبيبك ؟

الفتاة : انا مش فاكراه اى حاجه .

شحات : ماتتكتسفيش مننا ، احنا كلنا اخوانك ، والتمثيل هيخليكى

ترتاحى .

سعيد : فكرى ، وعبرى عن اللى ممكن تعمله بعد ماسابك .

عصمت : يعنى هتكون عملت ايه ؟ دورت لها على راجل بأف

تصطاده يتجوزها .

سعيد: لاء مش اشجان اللي تصطاد رجاله .

الفتاة: (تبكى)

مظلوم: (يقدم لها منديلا بنائثر) خدى امسحى دموعك يانسه .

عصمت: اهوه البأف وقع .

مظلوم: ماتبكيش عليه , اللي يتخلى عن انسانه رقيقه زيك , يبقى حمار .

سعيد: لوسمحت بلاش تليبخ .

وفيق: وبعدين يادكتور. ماتتدخلش .

الفتاة: (لمظلوم) دا بس من ذوقك يااستاذ ..

مظلوم: مظلوم .. انا مظلوم وانتي مظلومه . انا حزين وانتي حزينه

الفتاة: وايه الفايده ؟

مظلوم: احلام .. انا حبيتك .

الفتاة: لاء عيب , بتكسف .

عصمت: السناره غمزت . احنا نسوان ونفهم بعض .

مظلوم: ممكن نقعد فى حته هاديه ونتكلم لوحدهنا .

سعيد: (لمظلوم) ارعى تخدعها انت كمان . خليك انت شهم

واتجوزها .

مظلوم: انا خدتنى الشهامه .. احلام انا هتجوزك قلتنى ايه ؟

سعيد: هائل برافرو يامظلوم , اتجوزيه يااحلام . اتجوزيه خلى

ضميرى يرتاح .

وفيق: ماتدخلش انت يادكتور. هو انت هتصلح الماضى اللى حصل ؟

الفتاة: مش عارفه اقولك ايه ؟

طاهرة: هى دى عايزه تفكير يابت ؟ اتجوزيه وبعدين دورى على حل شعرك .

مضروية: دا مافيهوش حاجه تتعابيب . يارينى كنت انا.

مظلوم: ماتقوليش انا هكلم ابوكى . هوفين ؟

سعيد: برافو عليك يا مظلوم , شهم فعلا .

(يدخل صابر)

مظلوم: عمى .. جيت فى وقتك . انا طالب ايد بنتك .

صابر: دا يوم المنى يابنى .

مظلوم: انا خالى شغل وما عنديش شقه ولا اى امكانيات ..وتقدروا تسألوا عنى .

الزعيم: انا اشهد له بأنه شاب تافه وعلى خلق .

صابر: ومن غير ما اسأل ..دى عنست وقعدت فى ارابيزى .. شيل . مبروك يابنتى .. كتب الكتاب الخميس الجاى .

الفتاة: ارجوك يابابا نستنى شويه لما افكر .

صابر: مااستناش , انا ماصدقت تنزاحى عن قفايا . انا قلت هتتجوزى يعنى هتتجوزى . اما اروح ابل الشريات .

سعيد: هايل برافو يا صابر .

(يخرج صابر)

عصمت : (سعيد) هيه اطمنت عليها وارتحت ؟

سعيد : شش . سيبينى انفرج .

مظلوم : ماقولتليش ياروحى بتحبينى قد مايجبك ؟

الفتاة : (تهزر رأسها) اه

مظلوم : (بغضب) لاء قوليلى انك بتحبينى اكثر . انا استاهل

تعبيدى .

الفتاة : بعدك .

سعيد : حبت عليا الخاينه . انا قلت تتجوز عشان تتستر . مش تحب

وتنسانى بالسهوله دى

وفيق : امسك اعصابك يادكتور .

عصمت : بتغير عليها وانت قاعد جنبى ؟ وقعتك سوده .

طاهرة : ماتصدقوهاش . ماهى لازم تعمل نفسها بتحبه .

مظلوم : مالك يااحلام . شايفك مش مبسوطه . كنتى تعرفى حد

قبل منى ؟ انكلمى .. انا اسبور جدا . ولو قلتيلى الحقيقه

هسامحك .

طاهرة : اوعى تقوليله كل حاجه .

الفتاة : ايوه انا لى ماضى .

مظلوم : اخ ، قولتيلى ليه ؟ طب صارحيتنى وانا مستعد اسامحك .

مشيتى معاه ؟

الفتاة : ست سنين .

مظلوم : اخ . . صارحيتنى ليه ؟ استلى . مشيتى معاه مشى بطلال

؟ اعترفى وانا اسامحك .

الفتاة: ايوه وزينا يسامحنى .

مظلوم: اخ . اعترفتى ليه . ومع ذلك كل دا مايهمنيش . المهم
حبيته ؟

الفتاة: لاء ابدأ عمري .

سعيد: (صارخاً) كذابه .

عصمت: كانت بتمثل عليك الحب , عشان تتجوزك . دا شغل نسران
اسألنى أنا .

مظلوم: مدام ماحبتيهوش , يبقى مسامحك يا حبيبتى وما فيش قوه
هتفرق بينا بعد النهارده .

عصمت: النهايه . (تقف وتصفق) برفو . ياللا كله ع العنبر .
الفيلم خلص .

سعيد: عصمت , ماتدخليش فى شغلى .

عصمت: يوه , انا زهقت .

(عصمت تخرج)

الفتاة: بس فاضل حاجه صخيره لازم اصارحك بيها .

مظلوم: قولى ياروحى ويرضه مسامحك .

أنفتاة: (تهمس له)

مظلوم: اه ياسافله . يامنحطه .

الفتاة: خذنى بعارى . ماتظلمنيش . انا كنت ضحيه .

مظلوم: اخرسى . كلكروا بتقولوا كده . انا اتعقدت . كنتى خبى عليا .

كنتى اخذعيني واعملى عليه . دلوقتى مستحيل
اسامحك ..

مظلوم : امشى الله يلحك . انا مابشوفش , انا اتعميت (لسعيد)
تعمل عملتك السوده وتقولى خليك شهم واتجوزها ؟
فاكرنى ايه بادكتور ؟
(صابر يدخل)

صابر : (حاملا صنييه شريات) الشريات عقبال عندكم جميعا .
مظلوم : انا مش هتجوز بنتك . دورلها على حمار غيرى بنتك
استغفر الله العظيم

صابر : اخرس انا بنتى اشرف م الشرف . انا اجوزها سيد سيدك .
(ينادى) انتى يابنت . تعالى كلمينى هنا , خطيبك سايك
ليه ؟

الفتاة : (الفناه تستدير فنجدها حامل) مظلومه وشرفك يا بابا .
سعيد : (يذهرول) اشجان حبلت . كانت حامل منى وانا معرفش .
وفيق : ماتصدقهمش ياندكتور .

سعيد : عايزنى اصدقك انت واكذب عنيا ؟
صابر : (يرى بطنها) مش ممكن ازاي وامتى ؟ مين شو ؟ انطقى
عشان اشرب من دمه

سعيد : ارعى تتكلمى يا اشجان . ارجزكى ماتفضحنيش .
صابر : اتكلمى احسن لك .
سعيد : ماتتكلميش يا اشجان .

صاير: (يصنع الفتاه بعنف فتقع على الارض ويواصل ضربها)
الفتاة: اضربنى .. اقتلى لكن مش هتكلم .

صاير: هذبك واغسل عارى ياصفاء (يخرج من ملابسه
مشروطا)

الفتاة: اقتلى بابا , ماعدتش عايزه اعيش .

سعيد: ضحت بنفسها عشان ماتفضحنيش .

وفيق: دا اندمج (للمرضيين) حوشوه السلاح يطول .

سعيد: (يزيح و فيق) لاء سييوهم , عايز اعرف بقية اللي حصل

وفيق: كفايه يا صابر. انت اتجننت .

صاير: اوعى , محدش يتدخل بينى وبين بنتى . اتكلمى ياصفاء .
قوللى ليه ياصفاء ؟

وفيق: صفاء مين ؟ دا اتجنن هو راخر .

سعرانه: الو .. بوليس النجده ؟ الحقونا بسرعه .

طناش: (يفتعل صوت سيارة نجده)

الزعيم: اقف عندك وارمى السلاح . انا الرائد عطيه من شرطة
النجده . (لشحات) حط الحديد فى ايديه يا عسكرى .

صاير: امشى اطلعى بره بيتى , لا انتى بنتى ولا اعرفك .
لوسألونى هقول صفاء ماتت .. صفاء ماتت وادفنت .

وفيق: بيتكم عن بنته هو . قايلى ان كان له بنت اسمها صفاء، دا
اندمج .

صاير: ضحك عليها ابن الحرام .

مضرويه : احسن .

سعيد : انا ابن الحرام اللى ضحكت على اشجان .

صابر : صفاء ..

سعيد : اشجان ..

وفيق : خدوه ادوله حقنه مهدئه (الممرضان يمسون بسعيد) مش

الدكتور .. صابر .

(يخرج صابر مع الممرضين)

الفتاة : اودى وشى فين من الناس ؟ ولمايكبر ويسألنى فين بابا

ياماما اقوله مين ابوه ؟

سعرانه : انا لومذك ارفع عليه قضيه وابهدله ف المحاكم .

الفتاة : لا اللى يحب مايكرهشى ودا ابو ابنى .

مضرويه : خلاص ابعتى جواب لابوه وبلغيه .

الفتاة : وهو بعد ماتجوز هيسأل فيا او يعترف بأبئه ؟

مضرويه : يمكن لمايعرف قلبه يحن . دا الضناغالى .

الفتاة : ادبنى بعت له جوابات كتيره ماردمش عليا .

سعد : (بأكتشاف) انا مارصلائش جوابات . اقسم لك يا اشجان

ماكنتش اعرف .

(تدخل عصمت)

شحات : هش .. (ويشير للمرضى فيتحلقون حول الفتاه ليخفونها)

عصمت : مالكم ؟ فانتى حاجه م الفيلم ؟

سعيد : تعالى قوليلى . انا كان بيجبلى جوابات من اشجان

وخبیثیها علیا ؟

عصمت : محصلش . ایہ التخریف ده ؟

سعید : (بهیاج) انتی کدابه . اعترفی احسن لك .

وفیق : اعترفی و خلاص یامدام .

عصمت : حصل و كنت بقطعها وارمیها عشان ماتشوفهاش . عایز
ایه ؟

وفیق : (بدهشه هامسا) حصل بجد ولا بتسایریه ؟

سعید : یعنی عرفتی ان اشجان حامل منی وخبیتی علیا .

عصمت : (تری الفتاه) نعم ؟ نعم ؟ هو انا اروح الحمام ارجع اليك
محبلا ؟

الفتاة : ربنا قادر على كل شيء .

وفیق : (یهمس لعصمت) سایریه .. سایریه

عصمت : لولا فهمتني الحاله كنت تعمل عقلي بعقلهم ویهرشولی
مخی .

سعید : المسأله مش هزار یاعصمت المسأله جد (لوفیق)
ماتغمزلهاش انا مش مجنون .

عصمت : هو مش محتاج یغمزلی . انا عارفه انك مجنون . انت نسیت
یادكتور انك ما بتخلفش ؟

سعید : قصدك ماخلفتش منك . ودا معناه ان العیب مش منی .

عصمت : نعم ؟ هتجیب العیب فیا ؟ ماتخلینی ساكته . دا انا متجوزاك
وانت بشلل نصفی .

سعيد: دى كانت حاله نفسيه واتعالجت منها. قفلى ع السيره دى.

عصمت: لاء مش هقفل ياسعيد مدام بتفتأ لى القديم والجديد . دا انا

دورت بيبك على كل دكاترة العقم والعجز مانفعلش فيك دوا

وفيق: خلى بالك يامدام انتى نسيتى نفسك واندمجتى.

عصمت: انت مش قلت لى سايريه ؟

وفيق: هو دا كله تمثيل ؟ والله انا افكرته بجد .

سعيد: لا كل اللى بتمثله احلام هو اللى حصل لاختها اشجان

بالظبط .

عصمت: بسيطه (تتحرك للفتاه) انا عندى حل لمشكلاتك يا حبيبتى

.. ايه رأيك اعملك عمليه تنزلى البيبى بدل مافضيحتك

تبقى بجلاجل ؟

الفتاة: كتر الف خيرك بس انا اخاف.

سعيد: ماتدخليش انتى يا عصمت .

عصمت: اقعدي ساكت (للفتاه) ماتخافيش منى ..

الفتاة: انا مش خايفه منك , انا خايفه اغضب رينا .

عصمت: وماخوفتيش لما عملتى عملتك السوده دى ؟ اه يامكهوره .

(تهجم عليها لتضربها . المرضى يفرقان بينهما)

مضروبه: اوعى . سيبيها . اضربينى انا .

الفتاة: اه هموت ياناس , القرن طش .

عصمت: لا انا مقدرش اقعدي فى المورستان دا .

(عصمت تخرج)

طاهرة: الحقونا ياناس البت تعبانه قوى , لازم تدخل المستوصف .
(المرضى يأخذونها الى المكتب)

مضروبه: تعال ياختى ارتاحى وشدى حيلك .

وفيق: امشو اطلعوا بره المكتب .

سعيد: سييها يارفيق , خلى ف قلبك رحمه .

طاهرة: مافيش هنا حد يسعفها ياناس .

(الزعيم يدخل مرتديا بالطوطيب)

الزعيم: هاتوها اولدها فى المستشفى . افتحوا اوضة العمليات
بسرعه .

(المرضى يضعون الفتاه على الشيزلونج ويتحلقون حولها)

الفتاة: لاء مش عايزه دكاتره مش عايزه دكاتره .

سعيد: اتعقدت م الدكاتره بسببى .

الزعيم: ميه سخنه . حد يجيب فنجان ميه سخنه قوام .

الفتاة: حاسه انى هموت . يارب اموت .. واخلص .. يارب اموت .

سعيد: لاء ماتموتيش , اوعى تقولى ان اشجان ماتت .

طناش: يارب تعيش .. أو تموت .

الزعيم: (يناولها منديل ورق) لوسمحتى تساعدينى , عضى ع
المنديل دا .

سعيد: مش قادر استحمل .

الزعيم: الولاده متعسره . يمكن نضطر نضحى بالام او بالجنين .

تختاروا ايه ؟

سعيد: الاختيار صعب .

سعرانه: المهم الام . مش مهم الواد. دا ابن حرام .

طاهرة: ماله ابن الحرام ؟ ياسم كده .

الزعيم: احنا هنعمل اللي علينا والباقي على رينا

سعيد: لوماتت يبقى ذنبها فى رقبتي . انا السبب .

(المرضى يضعون براقان حولها)

وفيق: حضرتك تعبت , كفايه لحد كده ونكمل الحلقة بكره .

سعيد: اللي هيقوله الدكتور دلوقتى هو اللي حصل . بعد لحظه

هعرف مصير اشجان عاشت ولا ماتت ؟ اجهضوها

ولا خلفت منى .

(صوت الفتاه تتأوه)

سعيد: كفايه . كل صرخه بتقطعنى .. ادعولها .

وفيق: تعال اقعد انت واهدا كده وارتاح (للمرضى) ماتخلصونا

بقي فى يومكم ده .

سعيد: ولد .. بنت .. ولد .. بنت .

(دقات موسيقيه عذيفه ثم صمت ثم صراخ مولود يصنعه

مريض)

سعيد: (يحتضن وفيق) احمدك يارب واشكر فضلك .

مظلوم: (حاملا لفاقه بها كره) مبروك جابت ولد .

سعيد: ولد ياوفيق ولد .. انا أب .. انا بقيت أب من زمان .

شحات: هتكتبوا الولد بأسم مين ؟

طاهرة: استر عليها.. ربنا يستر على ولاياك .

الزعيم: يعنى اكتبه بأسمى انا ؟ انتوا اتجملتوا ؟

سعيد: اشوفه ..عايز اشوفه .

مضروبة: سمته مرزوق .

سعيد: سبحان الخلاق العظيم . دا شبيهى . شبيهى بالظبط .

طناش: ربنا يخليهولك او مايخليهوش .

(عصمت تدخل وتتجه للفتاه)

عصمت: جبتي له العيل ياختى وارحتى ؟ امشى بره ماشوفش وشك

هنا تانى.

الفتاة: حرام عليكى انا لسه نفته.

سعيد: (يحتضن الكره) انا مش عارف افرح ولاابكى . عمرى

ماأتخيلت يكون لى ابن .

عصمت: ابنتك دا ايه يامجنون ؟ تحب افطسهولك ؟

وفيق: هایل . تمثيلك زى الحقيقه بالظبط .

عصمت: تمثل ايه انت راخر وانت اجن منه . عايزنى اشوف

الراجل جايب لى ضره ومخلف منها واقعد امثل ؟

وفيق: ولد ايه وخلفه ايه ؟ دى كوره , بصى يامدام بنفسك شوفى

عصمت: ابعدہ عنى مش عايزاشوف خلقته (ترمى الكره)

سعيد: اياكى تحطى ايدك عليه . (يخطف الكره ويحتضنه)

وفيق: اهدى يامدام عصمت .. اعقل يادكتور..

سعيد: ابعدوا عنى , مش هتقدروا تحرمونى من ابنى .

الفتاة: ابني انا (تخطف منه الكره) مرزوق حبيبي .

سعيد: امسكوها . ماتسييوهاش تهرب بالولد .

(الفتاه تقذف بالكره فيتبادلها المرضى والممرضان

يحاولان مسكها)

(الفتاه تلتقط الكره وتخرج مسرعه)

وفيق: اعقل يادكتور (ويشير للمرضين فيقيدا حركته)

سعيد: انا مش هتخلى عن ابني ولا عن اشجان . دورلى عليهم

ياوفيق . لازم اصلح غلطتى ، بلغ البوليس يدور عليهم .

انشروا اعلان فى الجرائدين ، هاتولى ابني بأى تمن....

ياحبيبي يابنى يا صنايا . ياترى انتى فىن يا مرزوق؟

ستار الفصل الاول

الفصل الثاني

المشهد الرابع

المنظر : نفس المنظر : بعد ايام

(المرضى يغيرون اوضاع المقاعد ويضعون موائد ويشغلون
موسيقى من جهاز تسجيل . ويصنعون اضاءه متقطعه .
صابر واقف يتفرج عليهم .)

الزعيم : (لمتولى وعتريس) انت يا جدد منك له هتفضلوا واقفين
من غير شغله ولا مشغله ؟

متولى : اى خدمه يا معلم .

الزعيم : شهلوا ورسوا التراييزات . الزباين زمانهم جايين .

عتريس : حاضر .

(المرضى جالسون للموائد كزباين فى كباريه .المريضات

يظهرن بملابس خليهه وماكياج فاقع)

شحات : كاس كونياك يامتر وشويه مزه .

الزعيم: (لعتريس) شوف طلبات الزبون واعملك همه.
عتريس: حاضر.

(المرضى ينهضون ويرقصون مع المريضات)
(يدخل وفيق)

وفيق: ايه الفوضى دى . ايه اللى بيحصل هنا يا صابر؟
صابر: جلسة أنسيكو دراما زى العاده .
وفيق: بس دا مش ميعاد الجلسه .
صابر: اوامر الدكتور , الجلسه تفضل مفتوحه اربعه وعشرين
ساعه .

وفيق: طب افهم بيعملوا ايه ؟
صابر: زى ما حضرتك شايف , عاملين كباريه .
وفيق: هى حصلت لكباريه ؟
صابر: وانت قلقان ليه ؟ ماكله تمثيل وشغل مانخوليا . مشى
حالك . اعزمنى على كاس .
وفيق: انتيل انت راخر .

(يدخل سعيد فى حاله متروديه)

سعيد: ايه الاخبار يا وفيق .. عرفت حاجه عن اشجان ؟
وفيق: رحبت سألت عليها فى الحته بنفسى , قالوا لى انها بعد
ما بان عليها الحمل , اخذت فجأه وبعدين ابوها عزل ,
ومحدث يعرف عنهم حاجه .
سعيد: دا يؤكد انها هربت بسبب الفضيحه . يعنى استنتاجى كان

فی محله .

وفیق: فعلا حضرتك كان عندك حق . بس احنا هنعرف مكانها
ازای ؟

سعید: بنفس الطریقه , هنسایرا احلام لحد مانعرف منها اللی
حصل لأشجان بعد هريت . هی احلام فین یاصابر ؟
صابر: مش عارف مظهرتش النهارده . اعزمنى علی کاس
یادکتور .

سعید: (یتابع المرضی) هما بیعملوا ایه ؟

وفیق: عاملین کباریه یادکتور . عاجبك کده ؟

سعید: طب تعال نلحق طرابیزه , قبل الزحمة .

وفیق: حد یمشی ورا المجانین یادکتور ؟

سعید: قلت لك دی الطریقه الوحیده اللی هتوصلنا للحقیقه .

الزعیم: اهلا بالبهوات . انستوا وشرفتوا المحل . تشریوا ایه ؟

سعید: هات لنا اتین ویسکی .

الزعیم: عندنا زیب وطافیه .. عرقی .. هبوب و ٨٤

وفیق: هات أى حاجه یعنی هو بجد ؟

الزعیم: وعندك اتین هبوب دویل (لعتریس) اضرب الفاتوره

بتاعة الطرابیزه دی . باین علیهم بهوات سکا .

عتریس: (یقدم لهما كأسین) اتفضلوا . منقوع براطیش معتق

ومحترم . مابینزلش غیر للزیاین السکا المعتبرین اللی زى

حضراتکم .

وفيق: دى خمره بحق وحقيق (لصابر) ازای تسمح لهم يدخلوا
خمره هنا ؟

صابر: وهو فيه كباره من غير شرب ؟

وفيق: المفروض نسايرهم لحد معين . لو سيبناهم الحبل ع
الغارب مش هنعرف نسيطر عليهم .

سعيد: الحريه ماتت جزأش ياوفيق (ويحتسى كأسه) فى صحتك .

وفيق: (محتجا) انا ما بشربش فى الشغل يا دكتور .

صابر: كاس كمان لله وحياءه والدك ..

الزعيم: معاكش حق الكاس . ماتت شربش . ما عندناش حد يدكر
شكك .. شومه .. ساطور . ازموه بره .

(عتريس ومذولى يلقىان بصابر للخارج)

سعيد: ياترى عملتى ايه يا اشجان بعد ما بقيت فى الشارع ؟

وهترى مرزوق ازای تصرفى عليه منين ؟

وفيق: ما حدش بينام من غير عشا والعيل بييجى برزقه ودا اسمه
مرزوق .

سعيد: (بأكتشاف) عارف ايه معنة انهم يعملوا كباره ياوفيق ؟

وفيق: لاء .

سعيد: معناه ان اشجان بعد ما هربت , اشتغلت فى كباره .

المرضى: عايزين اش اش .. عايزين اش اش .

الزعيم: سيداتى انسانى سادتى , الان مع دلوعة الرقص اللولبيه ,

نجمة الخلاعه الشرقيه .. اش اش

سعید: اش اش ، یعنی اشجان . صدقتنی ؟ انا السبب . اشجان
انحرفت بسببی .

وفیق: مش يمكن اشتغلت في الكباريه بشرفها . كل الافلام العربی
كده .

(تدخل الفناء وقد حزمت وسطها وترقصن)

(تنتقل من يد مريض الى اخر وتغنى)

الفنّاءة: انا زى مانا .. وانت بتتغير ،

سعید: شایف بتتقصع ازای یار فیک ؟ شایف مصیرها وصل
لايه ؟

وفیق: ماتقهرش نفسك . الراقصات نزل بيكبوا قد كده . تلاقياها
زمانها بنت اربع عمارات وبعدين اتحجبت وأعترزيت .

الفنّاءة: الطشت قالی .. الطشت قالی يا حلوه يا للى قومی استحمی ،
مظلوم : شز ياوز .

طناش: (فی زى عربی) مليته وزين والله بالصبيه .

شحات: اهلا بالانس كله . اموت انا فى الخلاعة .

سعید: عيب . اتفرج بأدبك واحترم نفسك منك له .

شحات: اقعدي انت ساكت لحسن اشركك .

وفیق: ماتاخذش المسأله جد يادكتور .

سعید: لا...، دا اللی حصل فعلا لاشجان ودلوقتی هعرف الباقی .

(الفنّاءة تنتهى رقصتها وتتجه الى مائده وتجلس مع طناش)

سعید: دى بتجالس الزباين كمان . انت يامتر ، ازای تسمحوا

للراقصه تقعد مع الزباين ؟

الزعيم : الباشا يحب اجيب له المزه تقعد معاه ؟ من عنيا .

سعيد : دى بقت مزه رسمى .

وفيق : المجالسه ما فيهاش حاجه , دا شغل .

الزعيم : (يقود الفتاه الى سعيد) اتفضلنى يا حلوه , فرفشى البيه .

الفتاة : بونسوار عليك . تسمح تولع لى ؟

سعيد : يا خسارتك يا اشجان .

الفتاة : اسمى اش اش .

سعيد : سيبنى معاه لوحيدنا يا وفيق .

وفيق : بلاش يا دكتور الشيطان شاطر .

سعيد : بقرئك فارقنى .

وفيق : حاضر لما اشوف اخرتها (يجلس لمائده اخرى) كونياك

دوبل يا متر .

سعيد : مش فاكراانى ؟

الفتاة : يوه وانا عقتى دفتر يالفندى ؟

سعيد : اقعدى نتكلم مع بعض شويه .

الفتاة : ورقه بمية جنيه .

سعيد : تببى نفسك بمية جنيه ؟

الفتاة : ابر بلاش بطلناه يا عنيا . الدنيا هات وخذ .

سعيد : انتى تسوى الدنيا كلها .

الفتاة : انت جاي تببى لى كلام يالفندى ؟

سعيد: كان قدامك مية طريقة تلحرفى بيها غير انك تلحرفى
بالطريقة دى .

الفتاة: بقولك ايه ياروح والدتك , اقعد معوج وانكلم عدل .

سعيد: انا السبب .. انا السبب .

الفتاة: قصره ، عايز منى ايه ؟

سعيد: عايزك تكلمينى عن نفسك , احكى لى اللى حصلك .
افتح لى قلبك .

الفتاة: افتح لى انت قزازه عشان الكلام يحلا .

متولى: (يتقدم ويضع زجاجة خمره فورا)

سعيد: اشجان ..

الزعيم: ادفع الفاتوره الاول وبعدين حب على كيفك .

سعيد: حاضر (يخرج نقودا)

وفيق: دكتور حالته هتسوء اكثر . ومصيبه يقع فى حب البنات

نفسها . (ينادى) متر.. (ويعطيه نقودا) ممكن نقول لاش

اش تيجى تقعد معايا شويه ؟

الزعيم: من عنيا ياباشا (يتحرك ويهمس فى اذن الفتاه)

(الفتاه تنظر ناحية وفيق فيرفع لها كأسه بالتحية)

سعيد: رايحه فين ؟ اقعدى . لسه ماکملناش كلامنا .

الفتاة: والبيه اللى مستليني ده اوديه فين ؟

سعيد: ابعده من هنا ياوفيق .

وفيق: ايه انا قاعد بفلوسى زى زيك .

- الزعيم : (للفتاه) اقلبي الزيون قوام وشوفى غيره .
 وفيق : تعاليلي ياش اش وانا مالى هه .
 سعيد : سيك منه دا عايزضحك عليكى .
 الفتاة : ماتعطلنيش تدفع هقوم معاك . مش هتدفع ورينا عرض
 قفاك .
 سعيد : وانا مستحيل اشجعك ع الانحراف .
 الفتاة : خلاص افتح لى قزازه ثانيه .
 سعيد : كفاياك خمره ياشجان .
 الفتاة : ماقولنا اش اش , دهدي ؟
 سعيد : فاهم , غيرتى اسمك عشان تهريى م الفضيحه , طمئيني
 ابنك عامل ايه ؟
 الفتاة : وانت مين قالك ان عندى ولاد ؟
 سعيد : ماتنكريش ياشجان , مرزوق عامل ايه ؟
 الفتاة : ايانصبيتى , انت من مباحث الاداب ؟
 سعيد : انتى وصلتى للاداب كمان ؟
 الفتاة : امال بقلم على تحريات ليه ؟
 سعيد : افهمى ياشجان , انا قصدى شريف .
 الفتاة : هى هىء بطلوا دا واسمعوا دا . يعنى ايه طالب القرب ؟
 هتجورنى ؟
 سعيد : ياريت الايام ترجع بيئا , كنت اتجوزتك فعلا . انا لسه
 بحبك .

الفتاة: حب؟ هي هي، انت باين عليك خام يافدى، مافيش
حاجه اسمها حب ..

سعيد: عندك حق نقولى كده . بس مكانش لازم تياسى بالسرعه
دى .

الفتاة: ماتمسي ف ليلتك خليها تعدى ، انت جاى تدينى مواعظ .
سعيد: لاء مش هسمح بكده .

وفيق: يادكتور دا حصل خلاص وبقى ماضى .

سعيد: لا مش اشجان اللى تسقط فى الرجل وتفضل فيه ، لازم
هتقاوم ولازم ربنا هيقف لها مية واحد ابن حلال ينقذها
(للمرضى) مافيش حد فيكم ابن حلال ؟

المرضى: لاءه .

سعيد: أنا مستعد اتكفل بكل مصاريك ، انامستعد اتجوزك واديكى
اسمى، بشرط تسيبى المكان دا فورا وماترجعلوش تانى .

الفتاة: (بفرحه) انت بتتكلم جد ؟

سعيد: أيوه . بس قوليلى الاول ابنك فين ؟

الفتاة: سبته فى ملجأ .

سعيد: هندور عليه ونرجعه يعيش معنا فى وسطنا . ياللا بينا .

وفيق: (يقترب منها ويضع يده عليها) مش هتأسنى شويه
ياجميل ؟

سعيد: نزل ايدك من عليها .

وفيق: ايه هي كانت بتاعتك لوحدك ؟

سعيد: احرص ، انت سكران .

الزعيم: مش عايزين خناق هنا يابهوات (يشير الى الممرضين

فيمسكان بسعيد ويأخذها وبيق الى مائدته)

(يدخل صابر وعلى عينيه نظاره سوداء)

صابر: (يحمل صندوق سجائر ويدور به) سجائر مشط كبريت

. فسدق .

سعيد: صابر ، الحق بتتك .. امنعها تبيع نفسها .

صابر: سيبنى ف حالى . انا خرجت م السجن محطم ومش لاقى

اكل .

سعيد: بقولك روح جرها من شعرها وخرجها من هنا .

صابر: انا مش قد الناس دى يادكتور.. سجائر مشط كبريت

..فسدق .

سعيد: انت اشتغلت معاهم ؟

صابر: الزمن حوجنى وخلصانى امد ايدى لبنتى واغضض عنيا .

امال انا بسكر ليه ؟

وفيق: اللا بينا بقى ع الجرسونيره يا جميل .

الفتاة: حرام عليك ، انا بنت ناس .. ياناس .

وفيق: انت يامتر . المزه بتاعتكم معصلجه وعامله فيها شريفه .

الزعيم: امسحها فيا المره دى ياباشا وانا هريبها .

(للفتاه) انتى هتتحرفى زى الناس يابت ولا اجيب لك

بوليس الاداب ؟

الفتاة: السجن ارحم واهون .

الزعيم: جرى لك ايه يابت ؟

الفتاة: فقت يامعلم .

الزعيم: اسكرى تانى . تعبتى م الشرب , اضربى السرجه فى دراعك .

الفتاة: كفايه ارقص بشرفى يامعلم .

الزعيم: شوفى شغلك والا اعلمك بالبشله دى وماخلىش حد يبص فى خلقتك .

الفتاة: (وهى ترقص) حكم القوى ع الضعيف .

سعيد: لاء مش هسمح لكم , سييوها وخدوا اللى انتوا عايزينه .

الزعيم: دا بعدك . نسيب لك الفرخه اللى بتبيض لنا ذهب .

سعيد لا .. لا . ماتكملوش , مش قادر اتحمل . صابر حوش بنتك .

صابر: هيه انا جدع .

(تخرج الفتاه مع وفيق)

الزعيم: الجدع دا هو اللى عصى البت وقلب دماغها , شيلوه .

عتريس: قوم معانا بالنزوق .

سعيد: (وهو يترنج) نزل ايدك منك له .

الزعيم: شومه .. ساطور , شوفوا شغلكم .

(يتحرك عتريس ومتولى ويبدأ فى ضربه)

(تدخل عصمت ومعها وفيق)

عصمت: سيبوه .. يامجانين , يامتوحشين . انت واقف تتفرج
يارفيق ؟

وفايق: دول بيعالجوه يامدام .

سعيد: سييهم يضربوني . انا استاهل ضرب الجزم , انا استحق
اكثرمن كده . هو دا الدوا اللي موصوف لي .. موصوف لي
اتعذب زي ماكنت سبب في عذابها . اضربوني جامد .
اضربوا لحد ماتتعبوا . الالم هو الشيء الوحيد اللي
بيريحني .

وفايق: ربحوه .

اظلام

المشهد الخامس

(المجموعه فى حالة حزن وترقب ينتشرون فى المكتب

امام الاستراحه)

شحات : يارب جيب العواقب سليمه .

مظلوم : يارب اشفى كل مريض وكل مظلوم .

طناش : الزمن احسن علاج . بس الموت هو الدواء الشافى .

(يدخل وفيق)

وفيق : صابر لسه ماجاش من بره ؟

مضروبة : لسه .

وفيق : والدكتور عامل ايه ؟

طاهرة : زى ماهو ياكبدي ، حالته ما بتتقدمش .

وفيق : دا بقاله ثلاث تيام حابس نفسه ، مش قادرين تخلوه ياكل

حاجه ؟ بالشكل دا هيموت (يطرق الباب) افتح يادكتور

سعيد . ارجوك تفتح الباب .

شحات : عندك الزياره ممنوعه .

وفيق : بطلوا جدان ، دا محتاج علاج .

سعرانة : الدكتور عنده بقاله بيجى ساعتين بيعمله العمليه .

(نسمع صيحات الم من الدكتور سعيد)

وفيق : هو بيصرخ كدا ليه ؟

سعرانه : اصل حقن المورفين مابتجيش نتيجه ، انما بيستريح على

ضرب الجزم .

مضروبه: مدام بيصرخ بيقي لازم فاق م البنج .

(يدخل الزعيم وخلفه عتريس ومتولى ومريضه بثياب
ممرضه)

(الاربعه يضعون على وجوههم كمادات وفي ايديهم
قفازات طبيه كالجراحين وملابسهم غارقه فى الدم
ويمسكون فى ايديهم باحذيتهم)

طاهره: طمنا يادكتور .. ايه الاخبار ؟

الزعيم: احنا عملنا اللى علينا , والباقى على الله

طناش: يعنى ايه ؟

الزعيم: اقدر اطمنكم ان العمليه نجحت . بس المريض مات .

الكل: مات ؟

الزعيم: ايوه . إلا اذا كانت عنده ارادة الحياه .

وفيق: بالعكس دا لو عاش ممكن ينتحر .

الزعيم: اطمن , هو بيخرج م العمليه ماقيهوش نفس. عشان يقدر

ينتجر .

(يدخل صابر)

صابر: سلامو عليكم .

وفيق: هيه .. فين الولد ؟

صابر: معايا بره . بس انا بقول بلاش يشوفه احسن .

وفيق: بالعكس مش هيخرجه من حالته دى غير انه يشوف ابنه .

صابر: انا خايف لما يشوفه يكتب اكثر .

وفیق: احسن مايفضل ف الحاله دى , دا ممكن ينتحر. هاته بس .
صابر: والله كله محصل بعضه , انت حريادكتور . ادخل ياد
يامرزوق .

(يدخل مرزوق ويبدو متخلفا)

وفیق: هو دا ؟

صابر: مش بقولك , بلاش يشوفه احسن .

وفیق: بالعكس , دا اللى هيخليه يفوق من احلامه الرومانسيه .

المهم فهمت مرزوق على كل حاجه ؟

مرزوق: يعنى انا غيبى مايفهمش ؟

صابر: ولد .. اتأدب واقف عدل لحسن ارجعك .

مرزوق: رجعتى مايفهميش ..

وفیق: مايفهمك تشوف ابوك ؟

مرزوق: يعنى هشوف الامله ؟

وفیق: اقعد هنا يا حمار .

مرزوق: مش قاعد . انا مروح .

(ويجرى خارجا)

صابر: كويس كده ؟

وفیق: الحقه قوام مستنى ايه ؟

صابر: مش هيرضى يرجع غير لامتعتذر له .

وفیق: اعتذر له . بس هاته .

(صابر يخرج)

(المجموعه تتجه الى باب الاستراحه)

مجموعه: دكتور سعيد .. دكتور سعيد .. اسمع الخبر السعيد . ابنك
لقره وجابره .

(ثم يغنون وهم يرقصون) والليله عيد .. ع الدنيا
سعيد ...

(يدخل سعيد وعلى وجهه اثار الضرب)

سعيد: هوفين ؟ اشوفه .. اشوفه .

وفيق: هتشوفه حالا بس بس اهدا يادكتور .

سعيد: مش قادر .دى اسعد لحظه فى عمرى . انا هغير وصيتى
واكتب له كل ثروتى واملاكى , بعد كده مش هيبعد عنى
لحظه . قلبى .. قلبى هيقف م الفرحة .

وفيق: اهو دا اللى انا خايف منه . امال لما تشوفه هيحصل لك
ايه ؟

سعيد: اهدا ازاي . انت مستهون ؟ دا ابنى حقه منى دا انا كل
حقه ف جسمى بترتتش

وفيق: ولسه هترتتش اكثر لما تشوفه , عشان كده بقولك امسك
اعصابك .

سعيد: عندك حق لازم اول انطباع ياخده عنى يبقى كويس
يعدل ملابسه (تفتكر اول ما اشوفه ا قوله ايه , اعمل ايه ؟

وفيق: انا رأيى تتصرف طبيعى خالص .

سعيد: اشوفه .. اشوفه .

وفيق: اهرجه .

(يدخل صابريمرزوق)

سعيد: مرزوق .. ابني .

مرزوق: ابويا (يجرى ليحتضنه)

سعيد: (يتوقف بدهشه وخيبة امل ويتردد في احتضانه ثم لوفيق)

هو دا ؟

صابر: (يهز رأسه بالايجاب)

سعيد: لاء لاء .. مش ممكن (يخفي وجهه لحظه ثم يعاود النظر

له) انتوا متأكدين ؟

وفيق: طبعا يادكتور .

مرزوق: انا ملزوق يابابا .

صابر: دا حتى شبهك الخالق الناطق يادكتور .

سعيد: لاء مش شبهي . مش شبهي .

مرزوق: (وهو يلتصق بسعيد) انت مش عايزني يابا ؟

سعيد: انا ماقلتش كده يا حبيبي , بس فصح شويه ماتلزقش فيا كده

مرزوق: يعني هتخرج معايا تفسحني ؟

سعيد: افسحك طبعا . بس مش لازم اخرج وياك . اى حد تانى

ياخدك يفسحك .

مرزوق: بس انا عايزك انت , انت مستعز مني يابا ؟

(تدخل عصمت)

عصمت: الخير اللى سمعته م المجانيين دا صحيح ؟

سعيد: سامحيني يا عصمت .

عصمت: انا سامحتك فى حكاية اشجان , لكن تجيب لى ابن , دا بعدك . هو ذا المحروس ؟

سعيد: من فضلك ماتتريش يا عصمت . دا كان غلظه وانا لازم اصلح غلطتى .

مرزوق: مين الوليه دى بابا ؟

عصمت: انا وليه ؟

وفيق: عيب يا مرزوق , دى مرات ابرك .

عصمت: اخرس , انت بتقول ايه انت اخر ؟ انا لحد كده ومش ممكن اسايه .

سعيد: تساييرينى هو انا مجنون ؟

عصمت: ايوه , دول بيمثلوا عليك , ومعرفش جايبين لك الولد دا من انهى مصيبه .

سعيد: الكلام دا صحيح ؟

صابر: ادى شهادة ميلاده من الملجأ وفيها اسم امه اشجان بالكامل . ومع ذلك مش عايزه نرجعه .

مرزوق: (باكيا) رجعتى يا عم صابر (ثم لسعيد) انت اب انت ؟ اتفوه على شكك .

سعيد: لاء استنى . مايصحش اتخلى عنه .

وفيق: ياللا يا صابر نسيهم مع بعض . دا موضوع عائلى .
(يخرج وفيق وصابر)

عصمت: مایمکن جابته من ای راجل غیرک وکتبته بأسمک , انت ناسی انها رد کباریهات ؟

سعید: (مفکرا) ابن راجل غیری .

مرزوق: انا ابن کلب اللی جیت لکم , رجعی یا عم صابر .

سعید: (یسکه) لایاحبیبی ماتقولش کده .

مرزوق: (باکیا و متشجبا) فهمونی انا ابن مین انا ابن مین ؟

سعید: حتی لوماکانش ابنی فانا مسئول عنه لانی مسئول عن

اللی حصل لاشجان . مافیش طریقه اکفر بیها عن غلطی

غیر انی اتبناه .

عصمت: اتبنی آی عیل . مالقتش غیر المتخلف ده ؟

سعید: انت متوقعه طفل یتولد من غیراب و امه ترمیه فی ملجأ

یبقی احسن من دا ؟ عصمت احنا مخلقتاش , لو خدناه

یعیش فی وسطینا هتحبیه .

عصمت: اسمع هی کلمه واحده , البتاع دا مایخمش بیتی . واختار

یاانا یا هو یاسعید .

سعید: عصمت ارجوکی ماتفرقیش بینی و بین ابنی وانا ماصدقت

لقتیه .

عصمت: اختار یاسعید یا انا یا هو .

مرزوق: ماتسبتیش تانی یابویا , انا لحمک یابا .

عصمت: هیبقی اخر یوم بینا یاسعید .

مرزوق: ابویا .

عصمت: سعيد .

مرزوق: ابويا .

سعيد: ابني .. ضنايا (يحتضنه) انا اخترت يا عصمت .

عصمت: يبقى من بكره بيتي محرم عليك .

(عصمت تخرج)

سعيد: انا هقعد هنا مع ابني فى المصحه واشرف على على

علاجه بنفسى . هريه لما ييقى احسن واحد فى البلد .

لمرزوق قولى يا حبيبي تفكر مامتك ؟

مرزوق: امى رمتنى فى الملجأ وراحت تشوف نفسها .

سعيد: ماتعرفش أى حاجه عنها , صحتها عامله ايه عايشه

ولاميته ؟

مرزوق: وانا ايش عرفنى ؟ هو انا دكتور؟ انا قالولى هيدونى لامى .

هى فين امى دى انا اللى عايز اشوفها ودينى ليها ياعم .

(يظهر شحات ومعه صندوق قمامه)

(شحات يضع الصندوق فى ركن ويفتش فيه)

سعيد: ماشفتش اشجان يا شحات ؟

شحات: معرفش حد بالاسم ده .

(الفتاه تظهر وقد عصبت احدى عينيها وتعرج)

الفتاة: لله يا محسنين لله . وليه ومكسورة الجناح .

سعيد: (ثم يتبين انها الفتاه) مش معقول ، انتى .. ؟

الفتاة: بجرى على يتامى يابيه . ساعدنى بحاجه .

سعيد: يا خسارتك يا اشجان .

مرزوق: هي دى امه اشجان ؟

سعيد: لا دى خالك احلام يا مرزوق .

مرزوق: خالتي (يتعلق برقيبتها)

الفتاة: انزل انا مش ناقصاك .

سعيد: مش فاكراه ؟ دا مرزوق , اللي حطتبه فى الملجأ .

الفتاة: مرزوق ابني ؟ يا حبيبي يا ضنايا .

مرزوق: (لسعيد) انت ياعم مش عارف امي من خالتي ؟

سعيد: معش اصل عقلها بعافيه شويه .

مرزوق: طب مش تقولولي انها عبيطه .

الفتاة: مرزوق . كبرت , تعال فى حضنى يا بنى .

مرزوق: امه , وحشتيني يامه , سبتيني ليه يامه ؟

الفتاة: ما انت فجعان وكنت بتاكل كتير , كنت هاكلك مدين

ياضنايا ؟ بس كبرت ماشاء الله . من هنا ورايح , معش

هسيبك ابدا . تعال يا ضنايا . تلاقك جعان .

مرزوق: قوى يامه .

(تأخذه لصندوق القمامه وتخرج منه اشياء)

الفتاة: كل يا ضنايا واملا بطنك انا ماصدقت لقيتك , عشان

اعوضك كل اللي فات .

مرزوق: صحيح يامه ؟

الفتاة: امال يا ضنايا... همشى اجرک ورايا واشحت عليك . تحب

تعمل اعمى ولا اعرج؟

سعيد: انتى بتقولى ايه؟ سيبى الولد، انا هدخله المدرسه .

مرزوق: انا مش غبى عشان تدخلنى مدرسه . انا عايز اتعلم صنعه
تأكلنى عيش .

سعيد: اسمع كلامى ياولد . انا ابوك .

مرزوق: لو انت ابويا ماكانش يهون عليك تودينى المدرسه .

شحات: الراجل دا يطلع ابوه بجد يابت ياكحيتته ؟

الفتاة: وانا ايش عرفنى . هو انا عطفى دفتر ؟

سعيد: انا فاعل خير وعايز اساعدكم .

الفتاة: بيقى تدفع الحسنه وتورينا عرضك قفاك .

سعيد: وصلت بيكى انك تشحتى ؟

الفتاة: محدش بياكلها بالساهل ، والشغل مش عيب .

شحات: ومش عايزين حسنه من وشك ، غور بقى .

سعيد: وانت مالك انت ؟

الفتاة: ماله ازى ؟ دا مطمى .

شحات: انا اللى لميتها م الشوارع وعلمتها ونصفتها لحد ما بقت

كده ، انا بأكلها الشهد .

سعيد: شهد ايه دا انتوا قاعدين ف مقلب زباله وريحتكم تقرف .

شحات: دى شغله شريفه . زى ممثلين السیما . نقف فى الشارع

ونعمل افلام ع الخلق .

سعيد: انا هديكى اللى انتى عايزاه بس ماتشحتيش . يكفيكى كام

ياشجان ؟

الفتاة: احنا مابنشحت منك ولا مؤاخذه . احنا ناس عندنا كرامه .
سعيد: كرامه ؟ امال اللي بتعملوه دا ايه اسمه ايه ؟
شحات: لما حد يصرف علينا يبقى كاسر عينا , لكن لما نشحت م
الخلق محدش يذلنا .

الفتاة: واللى مابيدناش حسنه احنا اللي نزفه قدام الناس .
شحات: سييك منه .. ياللا بينا يامرزوق .

سعيد: على فين , انا لايمكن اسيب مرزوق يتلطم معاكم .
الفتاة: هي رزاله ؟ عافيه ؟

سعيد: طب خدوني معاه واللى يجرى عليكم يجرى عليا .
شحات: انت تشحت معانا بشكلك دا ولبسك دا ؟ دا انت تعرنا
يافندي وتوقف سوقنا .

الفتاة: اكسر له رجل ولادراع ولاقولك افقع له عين .
سعيد: انتوا اتجلمتوا ؟

الفتاة: دا هيخدمك هيعمل لك عاهه مستديمه . تكسبك ذهب .
شحات: ماينفمش برضه هيفضل وشه باين عليه العز .

الفتاة: خلاص نرمل عليه مية نار .

سعيد: اعملوا فيا اللي انتوا عايزينه , بس ماتاخدوش مرزوق بعيد
على .

(رفيق يدخل)

رفيق: رايح معاهم على فين يادكتور ؟

سعيد: لازم اجر ب اشجان كان احساسها ايه وهى بتسحت . لازم
اعانى زى ماھى ماعانت .

اڤلام

المشهد السادس

(تدخل مجموعة التليفزيون ثم صابر)

صاير: الله الله، حيلكم بتعملوا ايه ؟

المذيعه: احنا جينا حسب الميعاد اللي اتفقنا عليه مع الدكتور و فيق .

صاير: ايوه بس الدكتور سعيد مش موجود حصلت له ظروف .

المذيعه: ظروف ايه ؟

صاير: ابدأ ، الدكتور سعيد قبضوا عليه تحرى . وحجزوه فى

القسم .

المذيعه: ياى دا خبر مثير .

صاير: اظن الوقت مش مناسب يامدام عشان تعملى احاديث .

المذيعه: مقدرش احجز الكاميرا وارجع بأيدى فاضيه .

(يدخل سعيد والفتاه وشحات)

(سعيد يتظاهر بأنه اعمى وكسيح ومرزوق يجره وهو

يتظاهر بالخرس)

لله يامحسنين لله ..

مرزوق: حسنه قليله تمنع بلاوى كتيره .

سعيد: هنيالك يافاعل الخير .

الفتاة: وليه مكسورة الجناح وبصرف على ضنايا .

سعيد: عاجز وغلبان ويجرى على يتامى .

الفتاة: عليكم بالجماعه البهوات دول لازم يدوكم .

- شحات: رينا يستر على ولاياكم ولايفضحكمش ابدا .
- سعيد: حسنه واللبى يابيه , يارب يخليك لك الست القموره
الفتاة: ولايحرملكش منها.
- المذيعه: قولنا يحنن، مابتفهميش؟
- شحات: ماتسيبرهاش الايحه دى , قتشوها.
- سعيد: حصلت السرقة كمان يامعلم؟
- شحات: اخرس ياچعر.
- الفتاة: مايهمكش , انا هقشلها بس انت قفل عليا .
- (للمخرج) الهى يخليك الست وماتعكش عليك ابدا يارب .
- المخرج: يوه .
- سعيد: (للمذيعه) رينا يوقف لك ولاد الحرام ويرزقك بعريس
منهم .
- المخرج: اديهم اى حاجه وخلصى نفسك .
- المذيعه: الله كيس فلوسى راح فين ؟ انا اتسرقت .
- المخرج: محدش يتحرك من مكانه .(فى تليفون محمول) انا بتصل
بالبوليس .
- المذيعه: دول مش شحاتين , دول حراميه سرقونى .
- صاابر: ياهانم دول مرضى بيتعالجوا هنا .
- صاابر: اللى خد المحفظه ياولاد يطلعها .
- المذيعه: (تشير للفتاه) هى دى، تعالى هنا . فتشوها .
- سعيد: محدش يقرب منها (ياخذ منها الكيس خفيه لكنه يقع منها)

المذیعة: اهو الكيس، كان مع اللص دا.

سعيد: ايوه انا اللص، هما مالمش ذنب، اهربوا انتوا.

(يخرج شحات والفتاه ومرزوق

بينما يدخل وفيق)

وفيق: ايه اللي بيحصل؟

المذیعة: انا اتسرقت فى المصحه بتاعتكم يادكتور، والحرامى

ظبطناه متلبس واعترف.

سعيد: ايوه انا معترف. احبسونى.

وفيق: استنى، دا الدكتور سعيد.

المذیعة: ياي مش ممكن. وايه اللي مخليه يعمل فى نفسه كده ؟

وفيق: ماقلت لك انه بيساير المرضى.

المذیعة: اللدرجه دى ؟ ياي دا حاجه اوريجنال خالص .

سعيد: لاء انا مش بسايرهم، انا واحد منهم . اناشحات ويمد ايدى

طالب حسنه.

المذیعة: لازم اللقطه دى تتسجل بالكاميرا. جاهز يامرسى؟

المخرج: جاهز وسجل يامدام.

وفيق: لاء ارجوكى وقنى التسجيل . احنا مش ناقصين فضايح .

المذیعة: انا ماصدقت لقينته، ولازم اسجل معاه.

وفيق: يامدام انا مضطر اصارك الدكتور مريض نفسيا .

سعيد: ماتصدقيهوش، الدكتور وفيق اخطر مجنون عندنا وميوله

عدوانيه خطورته انه ذكى وعشان كده القانون مايقدرش

يثبت عليه جريمه . الدكتور و فيق لص و قاتل .

وفيق : قاتل كمان ؟ قتلت مين ؟

سعيد : قتل ضميره . لكن للاسف القانون مافيهوش جريمه بالاسم

ده . واللى يقتل ضميره يقتل الناس ويسرقهم ويمص دمه .

وفيق : وانت امال تبقى ايه ؟

سعيد : انا شيخ المنصر . عشرين سنه بسرقت ناس ابرياء بحجة انى

بعالجهم . اتغنيت واشتهرت على حسابهم زى اى نصاب

ودجال .

المذبة : هيبقى برنامج هائل ، سجل يامرسى .

المخرج : بسجل .

وفيق : انا امنعكم من التسجيل .

(يخرج وفيق)

المذبة : دكتور سعيد . من هو المجنون ؟

سعيد : هو اللى لسه فاكر نفسه عاقل .

المذبة : بس دا ينطبق على كل الناس .

سعيد : صحيح . الانسان اللى لسه بيتصرف بعقل واتزان انسان

مجنون وخطر لانه جيله قادر يعيش فى الغابه بتاعتنا لان

ضميره عفن ومات .

المذبة : امال مين العاقل ؟

سعيد : هو اللى المجتمع بيسميه مجنون لمجرد انه انسان حساس

وعنده ضمير ومش قادر يتكيف مع الحياه القاسيه اللى احنا

عاشينها . المجنون هو الانسان اللى ما بيقدرش يكذب
ولا يخدع ولا يعمل الشر . ودول اللى لازم يتولوا حكم
العالم .

المذيعه : و حضرتك بتعتبر نفسك عاقل ولا مجنون ؟

سعيد : انا مريض لكن بتعالج . اللى يظن فى نفسه القدره على
علاج غيره ، هو شخص مش طبيعى وخطر على المجتمع .
الدكاتره اكبر مرضى لانهم بيسقطوا عقدهم ع الغلابه
ولا بد من التحفظ عليهم ووضعهم تحت العلاج والمراقبه .

امال المرضى يخفوا ازاي ؟

سعيد : كل واحد مسئول عن نفسه . الفيلسوف سقراط قال من
الفين سنه واكثر ايه الانسان اعرف نفسك .

المذيعه : ازاي يعنى ؟

سعيد : كل واحد لازم يعترف باطفاله اللى خلفهم واللى
ما خلفهمش لازم يعترف بزوجاته اللى اتجوزهم واللى
ما اتجوزهمش يعترف بذنوبه وجرايمه اللى ارتكبها واللى
ما ارتكبهاش لانه مسئول مدام ساب غيره يرتكبها لان دا
معناه انه موافق على ارتكابها ومستعد يعمل زيها اذا جت
له الفرصه .

المذيعه : وانت تعترف تقول ايه عن نفسك ؟

سعيد : انا طول عمرى بسرقت . اهلثت ابحاث غيرى وكتبت
تقارير فى زمايلى عثمان اخذ البعثه . نافقت استاذى

واتجوزت بنته عشان اورث المصحح بتاعته .. سرقت
الشهادة والبعثه ولقب دكتور ومركز ومصحه بحالها ..
وسرقت اعداد مهوله من العيانيين . حتى العيانيين الفقرا
اللى بعالجهم مجانى بستخدمهم فيران تجارب لباحثى .
المذيعه : (ضاحكه) اوريجنال خالص .

سعيد : بتضحكى على ايه . كلنا لصوص كلنا انتهازيين انانيين
طماعين والاجراء الوقائى الوحيد هو الانتحار. الانتحار هو
اللى يقطع الشك باليقين .هو اللى يغسل كل الذنوب
ويطهرنا من خطايانا والاحسن ندفن روحنا بنفسينا . كله
يردم نفسه .

المخرج : ستوب .

المذيعه : ايوه . الرقابه مش هتذيع الكلام ده ولا انا موافقه عليه .

سعيد : امال جايه تعملى معايا حديث ليه ؟ عايزانى اقول لك
الكلام اللى انتى توافقى عليه ؟ تبقى انتى كمان مجنونه .
احجزوها دى مجنونه . عتريس متولى ..

المذيعه : انت اللى مجنون وحرامى .

المخرج : احنا وقعنا فى ملفق مهاريس , اموا العده واهربوا ..

(يدخل بعض المرضى)

سعرانه : الحق يادكتور، الدكتور وفيق حجز احلام وبيخليهم
يعذبوها .

طاهرة : (بسور) ايوه انا شفتهم وهما بيجلدوها . يابختها .

مظلوم: دى مظلومه يادكتور ماعملتش حاجه .

سعيد: وانا مش هسكت , كلكم مش لازم تسكتوا حرروا احلام من قبضة الذل والاستغلال .. اعلنوا التمرد و العصيان .. انقلبوا على جلاديكم .اعلنوا الثورة .

(يلقى بصورته المعلقه وبشهادته يحطمها تحت قدميه)

الزعيم: الثورة , دا اليوم اللى كنت مستنيه , انت دلوقتى زعيمى انا بسلمك الرايه .

(يخرج المرضى فى حالة حماس)

(سعيد يتحدث فى الديكتافون)

سعيد: بيان هام من الطبيب السابق سعيد فرحان ..الى اخوانى كل نزلء المصحه .

لما كان الصبر قد نفذ من تصرفات طغمه شريره من الاطباء الجبناء، فقد قمت اليوم بحركة لتصحيح الاوضاع، حماية لكم وللمجتمع وحماية للدكاتره من انفسهم الاماره بالسوء . اعلنوا التمرد فورا، اغلقوا جميع الابواب والمنافذ , حاصروهم، تحفظوا على الزوار وخاصة مجموعة التليفزيون . اسحقوا كل من يحاول المقارمه .

(يشغل جهاز التسجيل على مارشات قويه)

سعيد: ايها العقلاء ارفعوا عنكم وصاية الاطباء المجانين . نظموا انفسكم بسرعه . اقبضوا على أى طبيب تجدره فى طريقكم . لانرحموهم، والله الموفق لما فيه خدمة العقل البشرى .

(فوضى . الكل يجرى . صراخ . اضلام متقطع . ضوضاء)
سعيد: الى جميع الاطباء والتمرجيه سلموا انفسكم . انتم
محاصرون من كل الجهات . ايها الاخوه جاءنا الان تأييدا
حارا من التمرجى صابر وهو يقوم فى هذه اللحظه
بمحاصرة الدكاتره وحقنهم بالمهدئات والله الموفق .
جائزه كبيرى لمن يقبض على المجنون الاخطر وسيق
شرابى .

(يدخل مظلوم وسعرانه)

مظلوم: حررنا احلام من سجنها .

سعيد: وهى فين ؟

مضروية: (بسعاده) مش قادره تتحرك . فى حاله خطره من كتر
التعذيب .

مظلوم: دى محتاجاك يادكتور .

سعيد: بس انا ماعدتش دكتور . نشوف لها تمرجى .

(يخرج سعيد ثم يظهر وسيق متسللا)

وسيق: (يزحف على الارض ويمسك بالتليفون) الو بوليس النجده
، الحقونا قوام انا بتكلم من المصحه النفسيه بحلوان الموقف
خطير جدا، حصل انقلاب . ايوه انقلاب . انا مش مجنون
انا دكتور . طبعاً الانقلاب حصل ضدنا .

(نسمع نداء بصوت سعيد)

سعيد: الامر رقم ٧ عبر ثلاثه يتولى قطع الاتصالات التليفونيه

بين المصلحه والخارج

وفيق: المجانين استولوا ع المصحه واصدروا بيان . لازم تتحركوا
وتعملوا حاجه . هتسجبوا البيان ؟ انتوا بتهزروا ؟ اعملوا
معروف صدقونى .

(يدخل الزعيم ويرى وبيق)

وفيق: الو .. الو .

الزعيم: (يهجم عليه ويقيد حركته) قبضنا على المتهم الاول
ياقدم .

صابر: فوت قدامى يامجنون .

(نسمع صوت سعيد فى الديكتافون)

سعيد: اخوانى المرضى الاصحاء اتحدث اليكم من مخبىء امين
بعد ان نجوت من محاولة اثيمه للاعتداء على حياتى .

(يخرج بوفيق ويدخل صابر)

(صابر يوقف اذاعة المارشات ويشغل موسيقى جنائزیه)

(يظهر سعيد)

سعيد: ايه اللى حصل، ليه الموسيقى الجنائزیه دى ؟

صابر: (يسكت ويضع وجهه فى الارض)

سعيد: رد عليا يا صابر، اتكلم ، لاء ماتكلمش، ارعى تقولى انها ..

(المرضى يحملون الفتاه ويشيعون جثمانها على ضوء

الشموع)

مجموعة: لا اله الا الله .

سعيد: (باكيا) اشجان ماتت يا صابر.

صاير: لاحول ولا قوة الا بالله. الف رحمه ونور تنزل عليها.

سعيد: ماتت بعد ما تعذبت كثير.

صاير: يبقى ارتاحت .

سعيد: هي ارتاحت وانا اللي بقيت في العذاب .

الزعيم: مش انت لوحدهك السبب يا دكتور. المجتمع كله كان ضدها.

سعيد: وافترض، بس مادام هي ماتت، انا عايش ليه؟ عايش ليه؟

مظلوم: عايش عشان تاخذ بتارها من كل اللي ظلمها.

(المرضى ينزلون النعش وطناش يحفر كعامل قبور وبهم
بدفنها)

سعيد: عندك حق . لازم اخد بتارها، واقف جنب احلام . استنوا
ماندقنوهاش ..

طناش: اكرام الميت دفنه يا حضرة، حتى لو كان عايش .

سعيد: لاء اذا كانت اشجان ماتت . احلام مش هتموت وانا
موجود .

مظلوم: استغفر الله العظيم .

سعيد: احلام .. ردى عليا .

الفتاة: لاء انا مت .

سعيد: ماتقوليش كده، اشجان كانت عايشه فيكي واذا كانت هي
ماتت، انتي لسه يا احلام .

الفتاة: وايه قيمة حياتي؟

سعيد: قيمتها أن بكره هيبقى احسن م النهارده , انا حبيتك
يا احلام , حبيتك زى ما حبيت اشجان بالظبط .

الفتاة: وهتخلى على زى ما تخليت عنها بالظبط .

سعيد: لا اقسم لك ان الغلطة دى مش ممكن تتكرر .

الفتاة: ارجوك , سيبنى اموت فى هدوء .

(صوت سارينة بوليس وسارينة اسعاف)

(نسمع صوت ضابط البوليس)

الصوت: سعيد فرحان سلم نفسك , المكان كله محاصر .

الفتاة: احنا متحاصرين من المجتمع كله , انا لازم اسلم نفسى و

انت لازم تسيبنى وتلتفت لحياتك ومستقبلك وما تبصش

وراك للماضى .

سعيد: انتى حياتى , والماضى هو مستقبلى اللى جاى , المستقبل

اللى هنبليه سوا انا وانتى وما حدش هيقدر يفرقنا عن بعض

تانى .

الفتاة: ارجوك ما تخليش احبك . الحب امل , والامل عذاب .

سعيد: لو بتحبينى زى ما احبك يبقى لازم نتقى فيا وما تخافيش

منى . احنا هنتجوز .

الفتاة: اوعى تكون بتضحك على عقلى .

سعيد: الحب ما يعرفش المستحيل يا احلام .

الفتاة: احلف لى بأعلى شىء عندك .

سعيد: اقسم لك بشرفى . ومستعد اثبت لك دلوقتى حالا , انا مش

عايز المصحح ولا مراتى ولا شهادتى انا مش عايز من الدنيا
دى غير انتى .

الفتاة: يا حبيبى ..

سعيد: (يحتضنها) انتى سنين عمرى اللى رجعت لى .

طناش: خلصونى هندفنها ولا نجوزها ؟

(يدخل بعض المرضى)

شحات: الحق يا دكتور اهرب جايبين يقبضوا عليك .

سعيد: اهرى انتى يا احلام من شباك الاستراحه .

الفتاة: انا مش ممكن اسبيك .

سعيد: انا معرف اتصرف معاهم , المهم ما يقبضوش عليكى انتى .

وانا هخلص منهم واقابلك بعد ساعتين على شط النيل فى

المكان اللى كنا بنتقابل فيه انا واشجان .

(طرق على الباب وصوت الضابط)

الضابط: افتح الباب والا هكسره بالقوه ..

الفتاة: ماتتأخرش عليا .

سعيد: مش وقت عواطف . اهرى قوام .

(تخرج الفتاه)

(يدخل وفيق والمرضان ثم عصمت)

وفيق: سلم نفسك يا دكتور

سعيد: انا بسلم جسمى لكن مش هسلم لكم نفسى وعقلى وروحى .

عصمت: سعيد .. اسمعنى يا حبيبى .

سعيد: انا مش حبيبك . انا عمرى ماحببتك .

وفيق: عتريس .. متولى ..

سعيد: ولا الف حقه مهدئه هتنتفع معايا . تقدرروا تخدرونى ..

تقدرروا تقتلونى .. لكن مش هتقدرروا تغيروا دماغى .

وفيق: ادوله جلسة كهريا .

سعيد: لا . مش من حقم، انا مش موافق . دا غير قانونى . مش

هكتب لكم اقرار بالمواقفه .

عصمت: انا كتبت لهم الاقرار ياسعيد .

سعيد: اهون عليك ياوفيق ؟ دا انت تلميذى ودراعى اليمين . انا

مديتش حد فى حياتى قد مالديتك .

وفيق: (باكيا) انا بعمل كده عشان بحبك يادكتور .

(ثم يمسك يرفع صورة سعيد من الارض ويعيد تعليقها فى

مكانها)

سعيد: لاء بلاش كهريا .. الا الكهريا ، اقبض عليا ياحضرة .. انا

مجرم احبسنى اسجلى بس بلاش كهريا .

اظلام

المشهد السابع

(المرضى جالسون فى حالة استسلام ورؤسهم منكسه)

الزعيم: الدكتور سعيد باع قضيتكم ، استسلم لسلطة المستشفى ،
ماعدش بيفتح بقه بكلمه .

مظلوم: عايزه يعمل ايه ؟ دول ادوله بدل جلسة الكهريا ثلاث
جلسات .

سعرانة: معلوم ، اتعض ياولاده .

شحات: انا خايف الدور بييجى عليا . انا متراقب .

طناش: بيع القضية ، او مايبيعهاش .. طظ .

الزعيم: القضية مستمره وانا اللي هقود النضال من دلوقتى .
ياعيانين العالم اتحدوا ..

(يدخل وبيق مع عتريس ومتولى)

شحات: جايين يقبضوا عليا . خبرنى ، وصيتكم العيال

ورفيق: فين الدكتور؟ مابتدوش ليه؟

طناش: احنا طناش ..

شحات: ماتعذبونيش انا هعترف ، هقول كل حاجه ، الرفيق سعيد
فى دورة الميه .

ورفيق: عتريس .. متولى ، هاتوه .

(يخرج عتريس ومتولى)

الزعيم: (لشحات) خاين ، كلب السلطه .

سعرانة: هو هو هو هو .

الزعيم: (يقف فى مواجهة وفيق ويهتف) يسقط المطر فى الشتاء .
مجموعة: يسقط المطر فى الشتاء .

شحات: هتودينا فى داهيه (ثم يتشبت بكم وفيق) انا مش معاهم
يافندم .

طاهرة: انا معاهم ، عذبونا اجلدونا .

وفيق: بعينك . انتى بالذات مش هعذبك . خلى جنتك تاكلك .
ومن النهارده بطلنا تمثيل .

الزعيم: ده ضد حقوق الانسان . الدستور يكفل لكل مريض
الهوهوه .

وفيق: ياللا ع العنبر ، بلاشغل ملاحيس .

(يخرجون بينما يظهر سعيد مع عتريس ومتولى)

وفيق: هديت دلوقتى يادكتور ؟

سعيد: (شبه نائم لا يتحدث بأنفعال) ايوه . انا بقيت كويس قوى .

وفيق: يعنى قدرت تستوعب الحقيقه اللى صارحتك بيها ؟
سعيد: ايوه .

وفيق: طب سمع لى اللى عرفته .

سعيد: احلام ماهياش اخت اشجان .

وفيق: كويس .

سعيد: وصابر مايقربش لاحلام .

وفيق: عظيم .

سعيد: ومرزوق مش ابنى .

وفيق: عظيم، انا دلوقت اطمنت عليك .

سعيد: بس معنى كلامك ان اشجان ممكن تكون لسه عايشه .

وفيق: ممكن .. لكن ماجلناش عندها خبر . يبقى غالبا ماتت .

سعيد: وممكن تكون خلفت منى .

وفيق: ممكن .. بس ماسمعناش حاجه ، يبقى غالبا محصلش .

مضطرب؟

سعيد: مضطرب .

وفيق: عال اذن مافيش مشكله .

سعيد: المشكله انى اكتشفت انى عمرى ماكنت سعيد .

وفيق: ومين سعيد فى الدنيا دى يادكتور سعيد ؟

سعيد: طول الوقت كنت بكذب على نفسى واوهم روحى انى

محترم . غشيت وناقفت ودست على غيرى وشلت شنط

عشان اوصل .

وفيق: انت لوحدهك ؟ ومين فى الدنيا دى مابيعلمش كده ؟ مانا

راخر غشيت وناقفت وشلت لك شنطتك .

سعيد: بس انت قلت لى انك بتحبى اكثر من نفسك .

وفيق: وصدقتلى برضه ؟ احب يعنى عندى مشاعر . عندى

مشاعر يعنى مش طبيعى . ترضى لى ابقى مش طبيعى ؟

سعيد: يعنى كنت بتناقنى ؟

وفيق: احنا اتفقنا اننا نتكلم كلام ناس عاقلين ، عايزنى اكذب

عليك ؟

سعید: منافق انتهازی وغد بورجوازی حقیر .

وفیق: وهو لولا كده كلت شغلتنی معاك ؟ ثم انت مش هتلاقى حد قلبه عليك قدى . لان مصلحتك هي مصلحتى وعشان كده مضطر احميك حتى من نفسك . بس دا طبعا لحد ماكون اسم زيك وابتدى انافسك وساعتها ازحك واخذ مكانك .

سعید: انا ماكنتش اتخيل لذك وقح للدرجه دى .

وفیق: عيب انا تلمیذك . وحضرتك علمتنا انه لاحياء ولا عواطف فى العلم . مافيش غير الحقیقه المره . ایوه كنت بنافقك وانت جواك كنت عارف كده ومبسوط . تنكر ؟

سعید: لكن ..

وفیق: (مقاطعا بقوه) ماكنتش ، انت المريض وانا الطبيب .
يبقى انا اللی اتكلم وانت تسمع وتخرس . هتعترض .
هديك جلسة كهريا رابعه وخمسه وسادسه ..

سعید: لاء ، خلاص افتنعت .

وفیق: (بتهدید) افتنعت ولاخايف منى ؟

سعید: خايف .

وفیق: (یربت علیه) مش مهم ، بعد شويه هنتعود على خرقك
ريتحول لاقتناع حقیقى .

سعید: انا مقتنع انى مريض . انا مش صعبان عليا غير احلام .
مالهاش ذنب .

وفیق : بقی لسه عندك شعور بالذنب .
سعید : انا وعدتها بالجواز وصعب اتخلى عنها .
وفیق : احلام مابتحكش زى ما انت متخيل ، دى خدعه كبيره .
سعید : مستحيل . ازای ؟
وفیق : زى كل الاحلام ماهى خداعه .
سعید : مش فاهم ، انت فيه حاجه لسه مخبئها عنى .
وفیق : فعلا ، ودى الخطوه الاخيره بينك وبين انك تشفى تماما .
سعید : اتكلم .
وفیق : هتقدر تستوعب الصدمه ؟
سعید : ايوه .
وفیق : البنيت دى مالهاش وجود الا فى خيالك .
سعید : قصدك ايه ؟
وفیق : البنيت دى ماجاتش المصحح الا مره واحده وطردها من اول يوم ومن ساعتها مارجعتش ابدا . لكن انت حصلك تهيؤات وبقيت تتوهم انها موجوده وكنت بتألف قصص بينك وبينها كأنها بتحصل بجد .
سعید : لا لا مستحيل ، انت كذاب .
وفیق : امسك اعصابك يا دكتور . انا معايا الدليل . انت مش كنت بتسجل جلساتك معاها ؟
 ادى الشرايط كلها ، اسمعهم مش هتلاقى فيها غير صوتك لوحدك

(وفیق یدیر الشریط فتسمع سعید يحدث نفسه ويرد عليها)
سعید: لا . انت عملت مونتاج ومسحت صوت احلام . دی
مؤامره .

وفیق: وایه مصلحتی ؟

سعید: انت اللى مریض وعشان كده عایز تجننى، عایز تحطمنى
عشان تاخذ مكانى .

ینادى صابر .. یاصابر .

(صابر یدخل)

صابر: ایوه یادکتور .

سعید: احلام عاشت معانا هنا شهر بحاله ولا لاء؟

صابر: طبعا ویمكن شهر وشویه كمان .

سعید: قول للڈكتور وفیق لحسن بیستعبط ویقول انها ماجتش الا
مره واحده .

صابر: (هامسا لسعید) مانت عارف انه ..

وفیق: ماتكذبش یاصابر، انا خلاص قلت للڈكتور الحقیقه .

صابر: (باستغراب) یاخبر زى بعضه . یانهار مش فایت . قلت له
الحقیقه ؟

وفیق: ایوه .

صابر: لاحول الله یارب (ومستدرکا) انهى حقیقه بالظبط ؟

وفیق: ان احلام ماكناش لها وجود , لكن الڈكتور كان بیحصل له
تهیؤات مرضیه .

سعيد: من فضلك مانلقنوش الكلام . هو شهد انها كانت موجوده .
 وفيق: شهد بكدہ لان انا اللي طلبت منه يسايرك فى اى حاجه
 تقولها . حصل ولا لاء يا صابر؟
 صابر: حصل وربنا يسامحنى .
 سعيد: وانا ما طلبتش منك تساير الدكتور وفيق ف اللي يقوله من
 غير مناقشه؟
 صابر: حصل وربنا يسامحنى .
 وفيق: (بغضب) لكن انت ما قولتليش .
 صابر: ودى حاجه تتقال؟
 وفيق: خلىنا ف النهارده .
 سعيد: ايوه خلىنا فى النهارده، احلام كانت موجوده لحد يومين
 فاتوا ولا لاء؟
 صابر: (ينظر لهما بحيره ثم لسعيد) ايوه طبعا .
 سعيد: الحمد لله .
 وفيق: (بغیظ) موجوده فى خيال الدكتور . لكن انت شوفتها
 بنفسك؟
 صابر: (ينظر لهما بحيره ثم لوفيق) لاء طبعا .
 سعيد: حدد كلامك ازاي تبقى موجوده ومش موجوده ؟
 صابر: انا عبد المأمور .
 سعيد: اه يعنى وفيق طلب منك تعمل التمثيليه دى قصادى وانت
 عبد المأمور .

وفيق: لاء قصده انه عبد المأمور ليك انت .

سعيد: (لصابر) ما هو واحد فينا مش طبيعي ياانا ياهو اختار .

صابر: وليه ماتكونوش انتوا الاتنين؟

الاثنان: احنا الاتنين مجانين؟

صابر: لاء انتوا الاتنين سيد العاقلين ، وانا اللي مش طبيعي . انا

مش قدكم يابهوات .

(يتشنج) انا راجل غلبان ، سيبوني في حالي . حرام

عليكم .

(صابريخرج بينما تظهر عصمت)

وفيق: بلاش انا وبلاش صابر، اظن مراتك مش حتكذب . تقبل

شهادتها ؟

سعيد: اقبل . عصمت ..

عصمت: (متراجعه بخوف) ارجوك .. خليك بعيد .

سعيد: اشهدى بالحق، وفيق بيقول ان احلام مكانتش موجوده وانا

كنت بقعد اكلم الهوا و

عصمت: (مقاطعه لوفيق) انت قلت له الحقيقه ؟

سعيد: انتوا هتجنلونى؟ طب ومرزوق؟ مرزوق راخر مكانش له

وجود ؟

عصمت: لاء حقيقه بس وفيق كلف صابر يجيب لك ولد متخلف

عشان ماتعلقش بيه .

سعيد: لكن دا انتى كنتى غيرانه منها وطلبتى الطلاق .

عصمت: كنت بمثل . وفيق طلب منى امثل انى غيرانه .

وفيق: لقيتك عايز تعيش الحاله ، قلت اسايرك شويه .

سعيد: لا انتى كنتى غيرانه بجد . انا متأكد .

عصمت: مانكرش برضه ، صحيح هى شبح لكن كانت شاغله كل

وقتك وواخداك منى . كانت بالنسبه لك انت حقيقه وانت

اعترفت لى بأنها حبك الوحيد .

سعيد: مش قادر اصدق .

وفيق: متشكرين يامدام ، سيبنيا دلوقت لوحدنا .

عصمت: انا مستنيه لحد ما اشرف النتيجه .

(عصمت تخرج)

سعيد: (يجلس بذهول) الكلام دا من امتى ؟

وفيق: بعد ما طردنا البننت اول يوم ، فساكرلما دخلت عليك

الاستراحه وسألتك بتكلم مين ورديت قلت لى انك بتكلم

نفسك ؟

سعيد: ايوه بس انا كنت بكلم احلام ولما دخلت انت خبيتها .

وفيق: وليه تخبيها منى ؟

سعيد: عشان انت كنت داخل تقتلها وانا ظبطت المشروط ف

ايدك .

وفيق: بالعكس انا خدت المشروط لانى خفت تعور بيه نفسك ، انت

عارف المكتئب ممكن يحاول الانتحار وانت كان عندك

حالة اكتئاب .

سعيد: برضه مش مطمئن لك , اسأل العيانيين .

(ينادى) يازعيم ياطناش يامظلوم ياشحات يامضروبه
ياسعرانه ..

(المرضى يدخلون)

سعيد: تعالوا اشهدوا بالحق . احلام كانت موجوده ولااء ؟

مجموعه: طبعا موجوده .. شوفناها وكلمناها وولدناها كمان .

وفيق: مالقتش غير دول تسألهم ؟ دول شهادتهم لاتجوز.

سعيد: يمكن قدام المحاكم وف نظرالناس والقانون، لكن انت
عارف كويس انهم مايقدروش يكذبوا .

وفيق: بالعكس دول اكثرناس بيكذبوا على روحهم وعائشين فى

الارهام ، العاقلين لهم امارات، هما اللى بيتكلموا ويبلبسوا

زى كل الناس المحترمين، هما اللى بيديروا العالم كله . اما

المجانين فهما المجانين، عائشين بره المكان وبره السنين .

سعيد: اتكلموا .. انطقوا ، دافعوا عن نفسكوا .

مجموعه: ان كان علينا احنا شوفناها . صوتها لسه ف ودانا .

وصراخها بيئن جراننا .

وفيق: انت اللى نقلت لهم الوهم بتاعك واوحيت لهم ان ليها

وجرد .

سعيد: ابدًا ، انت اللى اوهمتهم انهم مرضى وعيانيين .

(للمرضى) قولوا لى حاجه تشفى غليلى .

مظلوم: الاجابه عندك , اعرف نفسك يادكتور تلاقى الاجابه

لوحدك .

مجموعة : اعرف نفسك .. اعرف نفسك .

سعيد : انا ما بقتش عارف الوهم من الحقيقه .

مجموعة : مين يقدر فى الزمان دا يعرف العقلام المجانين . مين ؟

مظلوم : وبناء عليه احنا مش هنعرف ابدا اذا كنا صح ولا غلط .

طناش : لكن وايه الفرق . ويهم مين ؟

مجموعة : يهم مين ؟ يهم مين ؟

(يخرج المرضى)

سعيد : ابقى انا مجنون يا وفيق . مش كدا ؟ لو صح اللى بتقولوه

ابقى مجنون .

و فيق : ماتكبرش الموضوع للدرجه دى . كل المسأله ان اعصابك

تعبانه شويه . ودا عادى بيحصل ف احسن العائلات .

سعيد : انا محتاج تعالجونى . ادينى جلسة كهريا كمان .

و فيق : اللى خدته كفايه . الاهم دلوقتى انك تساعد نفسك .

سعيد : مش قادر اتخلص منها . احلام بالنسبه لى حقيقه شايفها .

لازم اخذ اجازة طويله ابعده فى أى حتة .. ان شالله اروح

اخرا الدنيا .

و فيق : مهما بعدت مش هتقدر تهرب منها . الاجازة هتقعده

المشكلة اكثر ، لانك هتفضل تفكر فيها غصب عنك . لو

سييناك لنفسك ، ضميرك مش هيسيبك لوحدك .

والتفكير مضر جدا فى حالتك .

سعيد: والحل ايه ؟

وفيق: تفرق فى الشغل، بالطريقه دى مش هتلاقى لحظه تفكر فيها. دا غير ان مشاكل العيانيين وبلايهم هتسيك مشكالك وتهرن عليك بلوتك .

سعيد: انا فعلا معنوياتى بترتفع لما بشوف العيانيين، بحس انى انسان طبيعى ويمكن احسن منهم .

وفيق: وهى دى الحقيقه . انت طبيعى واحسن منهم، انا هسيبك تستجمع نفسك وبعدها هدخل لك العيانيين الجداد .

(وفيق يخرج)

سعيد: (ينظر فى مرآه) انا كويس .. انا مش وحش .. لاء مش وحش ابدا . (بأستنكار) مين دا اللى يقدر يقول عليا وحش؟ قطع لسانهم كلهم . انا دكتور. ومهم ومشهور وغنى ولى مركزى ونفوذى ووضعى ف المجتمع .. والاهم من كده ان محدش واخذ باله من عقدتى، ولا ملاحظ عليا أى شىء بالمره انا احسن كتير من غيرى، مش كدا ويس، انا سيد الناس كلها . انا ذكى ومحترم ويفهم ومتقف ولئيم، يعنى اقدر اضحك عليهم كلهم، جراك ايه يادكتور سعيد ماتتبت امال، خلى عندك ثقه فى نفسك .. اتغر فى روحك .

(صابر يدخل)

صابر: العيانيين بتوعك جاهزين يادكتور.

سعيد: صابر. جاوينى لآخر مره احلام موجوده ولا انا كان
بيتهيالى ؟

صابر: اقوك الحق ولا تزعلش منى ؟

سعيد: اطلاقاً، قول طمنى .

صابر: الحق انا نفسى عمرى ماعرفت هى موجوده ولا لاء .

سعيد: (بأكتشاف) تبقى انت كمان مجنون زيبى يا صابر .

صابر: (ضاحكا بسخرية) توك ماعرفتها يادكتور ؟

سعيد: (بدهشه) ويتعترف بكل بساطه ؟

صابر: وهو فيه حد سليم ف الزمان دا يادكتور ؟ الشاطر هو اللى

بيقدر يخبى أمراضه وعقده . وتلك هى المشكله ، وانسى

بقى . هيه .. ادخل العيانيين تكشف عليهم ؟

سعيد: هو لسه فيه عيانيين ممكن يتقوا فيا ؟

صابر: حكمة ربنا . البرنامج اللى طلعت فيه ف التلافزيون عمالك

شهره جامده قوى

سعيد: اتشهرت بفضيحه ؟ بأتى مش طبيعى ؟

صابر: اهى شهره والسلام . حد واخذ باله ؟ ماكله محصل كله .

ادخل العيانيين ؟

سعيد: لاء انا اللى عيان وعايزاروح .. (ثم يتوقف) قولى هما

يطلعوا كام واحد ؟

صابر: سبعة وستين ، فيهم ثلاثين كشف مستعجل .

سعيد: سبعة وثلاثين فى اربعين جنيه كشف عادى وثلاثين فى

تمانين كشف مستعجل يبقى المجموع .. ثلاث تلاف
تمانيه وتمانين . مش وحشين برضه .

صاير: و حضرتك هتلق تكشف عليهم كلهم النهارده ؟

سعيد: ليه لاء هو انا شويه ؟ .. دخلهم لى واحد واحد بالترتيب .

(يجلس على المكتب بعظمه ويمد ساقيه الى الامام)

صاير: (عند الباب) نمره واحد فى الكشف يتفضل .

(صاير يخرج وتدخل الفتاه)

(ترتدى عباءه تخفى كل جسدها)

سعيد: اتفضلى ياآنسه . استريحى هنا . ريلكس خالص . احكى

لى ايه مشكلتك ؟

الفتاة: (تخلع العباءه فنرى انها الفتاه فى ثياب ممرضه)

انا مش مريضه , انا اضطريت اتخفى عشان مايعرفونيش

سعيد: (يشهق وقد فوجيء) احلام ؟

الفتاة: سعيد حبيبي .. ماجتش ليه ، انا استديتك كثير . هما عملوا

فيك حاجه ؟ ياللا بينا نهرب قوام . مالك بتبص لى

بأستغراب كده ليه ؟

سعيد: لاحول ولا قوة الا بالله (ويتظاهر بالانشغال عنها)

الفتاة: انا لبست لك فستان ممرضه زى ما طلبت , بص لى ..

كلمنى ، ساكت ليه ؟

سعيد: لا انتى مش موجوده ، انتى شبح .. شبح فى خيالى .

الفتاة: شبح ازاي وانا واقفه قدامك وشايفنى ؟

سعيد: انا بحلم .. لا دى تهيؤات وهلاوس . اعقل يادكتور .
الفتاة: المسنى .. هات ايدك فى ايدى عشان تتأكد انى حقيقه
وموجوده .

سعيد: حتى لو كنتى موجوده . انتى مش اخت اشجان . ومرزوق
مش ابنى . وكل اللى قولتھولك كان اوهام .

الفتاة: انا مايهمنى انا مين . كل اللى يهمنى انى بحبك وانت
قلت لى انك هتهرب معايا ومش هتتخلى عنى ابدا .
(نسمع موسيقى اغنية من قد ايه كنا هنا فى الخلفيه)

(تظهر عصمت)

(تقف على البعده تنظر لسعيد بترقب)

سعيد: انا فعلا وعدتك , لكن .. (ويسكت)

الفتاة: لكن ايه ؟ عشان يعنى انا ممرضه وانت دكتور؟ انت قلت
لى الحب مايعرفش المستحيل . وحلفت لى بأعلى شىء .
بشرفك .

سعيد: انا كنت مريض بالاحلام ...

الفتاة: المرض غرض . انت اللى قايلها , بتمرض نفسك بارادتك
عشان تقتلنى جواك .

سعيد: اقسم لك كنت عيان والعيان عمره مايبيعرف انه عيان .

الفتاة: اعرف نفسك يادكتور .. اعرف نفسك .

سعيد: صدقيني . انا مش بمثل عليكى ولا بخدع روحى عشان
اتهرب منك .

الفتاة: وانا ؟ ما فكرتش فيا , ما فكرتش ايه هيكون مصيري ؟
سعيد: انا آسف . ومستعد اعوضك بأى مبلغ تطلبه . يلزمك كام ؟
الفتاة: اتفوه على شكاك .

سعيد: احلام ... استنى . (الفتاه تتوقف لكن سعيد يسكت بتردد)
(يظهر مجموعة المرضى بخطوات متسلله)
مجموعة: الحقيقه الوحيده اللى نعرفها ان الدكتور سعيد حتى لو
مريض , لكن صادق وامين لانه الوحيد اللى اعترف بذنبه
وادرك خطيئته . ومين فينا مالوش ذنوب ؟
لكن كام واحد ممكن يعترف بذنبه . وكام واحد ممكن
يتوب ؟

يفضل قدامك يادكتور سعيد حل نهائى اخير ..
الحل اللى يرفعك لمقام الابطال فى الاساطير .
كفر عن ذنبك .. مادمت عرفت نفسك .
افقع عينيك تشوف الحقيقه اكثر .. افقع عينيك وارحل ..
ارحل فوراً .

(الجميع فى انتظار تصرف الدكتور سعيد)

سعيد: احلام .. مش هقدر يا احلام .
الفتاة: (وهى تلف) سراب .. سراب يادنيا العذاب .. الله جاب ..
الله خد .. الله عليه العوض .. وعلى الدنيا السلام . دنيا
غريبه .. لاهى عدوه ولاهى حبيبه .. كأنها لاتعرفنا
ولاداريه بينا .. والمصيبه انها لا بترحم ولا بتخلى رحمة

ربنا نلطف بينا . دنيا فاجره وعامله عاشقه ومخلصه لينا
.. دنيا مريضه وميئوس من شفاها . ماحدث يعاشرها الا
ويلقط المرض .. دنيا عاقر لاتعرف حمل ولاحبل .. وان
ولدت ماتجيش الابشر .

مظلوم: لكن الابطال العظام ماعادوش موجودين , الا فى خيال
الشعرا واوهام الفنانين .. والدكتور سعيد بطل لكن مش
نبيل .. مجرد بطل بورجوازي صغير .. ابدأ مش هيفقع
عينيه .. هيلاقى اسهل له ، يميل مع التيار ويصدق كل
اللى يتقال ، ويخرس الصوت اللى جواه .

الفتاة: ملعونه الخيانه . ملعونه الافراح الكدابيه .. ملعونه الرجاله .
لما تبقى جبانه .

مجموعة: لوحد منكم يقدر يعمل غير كذا .. يتقدم لنا ويقول انا .
واذا قالها ، يتفضل يبجى لنا ، ويرضى يبقى واحد منا .

ستار النهايه

مطابع الهيئة المصرية العامة للكتاب

رقم الإيداع بدار الكتب ١٣٦٣٧ / ٢٠٠٠

I.S.B.N 977 - 01 - 6897 - 1



هذا هو العام السابع من عمر «مكتبة الأسرة» ..
ومنذ سنوات طوال لم يلتف الناس حول مشروع ثقافى
كبير كما التفوا حول هذا المشروع الثقافى الضخم حتى
أصبح مشروعهم الخاص، وطالبوا باستمراره طوال العام.
واستجبنا لهذا المطلب الجماهيرى العزيز إيماناً منا
بأهمية الكتاب؛ وبالكلمة الجادة العميقة التى يحتويها؛ فى
إعادة صياغة وتشكيل وجدان الأمة واستعادة دورها
الحضارى العظيم عبر السنين.

لقد استطاعت «مكتبة الأسرة» .. أن تعيد الروح إلى
الكتاب مصدراً هاماً وخالداً للثقافة فى زمن الإبهارات
التكنولوجية المعاصرة.. وها نحن نحتفل ببدء العام
السابع من عمر هذه المكتبة التى أصدرت (١٧٠٠)
عنواناً فى أكثر من «٢٠ مليون نسخة» تحتضنها الأسرة
المصرية فى عيونها وعقولها زاداً وتراثاً لا يبلى من أجل
حياة أفضل لهذه الأمة.. ومازلت أحلم بكتاب لكل مواطن
ومكتبة فى كل بيت.

سوزان مبارك



١٥٠
قرش

726
39i



0634887

مكتبة الأسرة
مهرجان القراءة للجميع